



ԲԱԳՐԱՏՈՒՆԵԱՑ ՇՐՋԱՆԻ
ՀՈԳԵԻՈՐ ՍԻԻՆԵՐԸ

ԳՐԵՑ՝ ՎԵՐ. Ե. Ս. ԲԱՍՄՈՒՆԻ

9(47.925
Գ-26

5 OCT 2011

9(47.925)
P-26

ԱՇՈՏ ՈՂՈՐՄԱԾ

ԵՒ

ԻՐ ՇՐՋԱՆԻՆ ՀԱՅՈՑ ՀՈԳԵԻՈՐԱԿԱՆ ՎԻՃԱԿԸ

ԳՐԵՑ

Վ.ԵՐ. ԵՂԻԱ Ա. ԲԱՍՏԻՆԻ

Դեղատու համալսարան
Դեկտեմբեր 1972 ՎԻՃ. 78

ԳԼԵՐՈՒԹ
1989

22 APR 2011

ՄԱՍՆՈՒՐՈՒ ՑՈՅՄ

ԲԻ

ԳՆԱԿԻ ԴԱՄԱՆՈՒԹՅՈՒՆ ԵՎ ԳՆԱԿԱՆ ԴԻ

ՑՈՅՄ

ԳՆԱԿԱՆ ԴԻ ԵՎ ԳՆԱԿԻ ԴԱՄԱՆՈՒԹՅՈՒՆ

ՏՊԳՐ. ՇՆՈՐՀՕՔԵԱՆ

ԱՍԵՐԻԿԵԱՆ ԼՏՊԱՐԱՆ, ՊԷՅՐՈՒԹ

ՇՆՈՐՀՕՔԵԱՆ

201

Այս գրույկը կը ձևեն

Ազգիս Երիսասարդներուն:



ՕՔ 5285-43

100

Երևանի քաղաքի քաղաքացիական գրադարան

Մ. Գրադարանի քաղաքացիական գրադարան



7587-73

ՅԱՌԱՋԱԲԱՆ

Գրուածքներէս չորս կտոր ամփոփուած են յառաջիկայ հատորին մէջ, բոլորն ալ մեր ազգային պատմութեան Բագրատունեաց շրջանը լուսաբանելու սահմանուած: Առաջինը բնախօսութիւն մըն է՝ 1938 Ս.պրիլ 10ին Հայ Ա.ւեա. Երիտասարդաց Միութեան ամսական հաւարոյթին մէջ խօսուած: Այդատեն իսկ փափաք յայտնուած էր զայն տպուած ձեւով տեսնելու, եւ բարեկամներ անշուշտ ուրախ պիտի ըլլան որ վերջապէս այդ փափաքին զոհացում կը տրուի: Երկրորդը եւ երրորդը հեղինակին «Պատմական Հայ Կիներ» ընդարձակ ուսումնասիրութենէն մասեր են՝ որոնք «Պատմական Արձագանգ» երկշաբաթաթերթին մէջ արդէն լոյս տեսան: Չորրորդը նոյնպէս բնախօսութիւն մըն է Հալէպի Հայ Երիտասարդաց Ակումբին մէջ խօսուած, նիւթն իրենցմէ առաջարկուած ըլլալով, եւ ապա մասնաւոր խնդրանքի վրայ Հալէպի Ամերիկեան Գոլէճի հայ ուսանողութեան ալ կրկնուած:

Չորս գրուածքներն ալ իրարու հետ սերտօրէն առնչակից են, եւ միեւնոյն իրը չորս տարբեր անկիւններէ դիտելու ջանք մը կը կազմեն: Կը խորհիմ թէ այս կերպով պատկերը աւելի կենդանի եւ հաստատատիպ պիտի դրոշմուի: Առաջին գրուածքին ենթատիտղոսը արդէն բաւականաչափ լայն է չորսն ալ ընդգրկելու: Ասով դիտուածն է յիշեալ ամենակարեւոր շրջանը մեր ժողովուրդին աւելի լաւ ճանչցնել, սա վստահութեամբ թէ ճանչնալն արդէն գնահատելու ալ պիտի մղէ:

Իմ խորին շնորհակալութիւնս կը յայտնեմ Հայ Աւետարանական Բարձրագոյն Վարժարանի ներկայ տարուայ շրջանաւարտ կարգին, որ այս ծրագիրը յղացան գրուածքներէս գէթ այսչափ մը հրատարակութեան տալու. շնորհակալ եմ այդ ծրագիրը իրենց թելադրող ազնիւ անձին, նաեւ ուրիշ բոլոր բարեկամներու որոնք այս ձեռնարկին քաջալեր եւ զօրավիզ կանգնեցան բարոյապէս կամ նիւթապէս:


Մաղթանքս սա է որ Աստուծոյ ողորմութեամբ սոյն գրքոյկը մեր նոր սերունդին մտաւոր հանոյքի հետ հոգեւոր օրհնութիւն բերէ:

Պեյրոք, 9 Յունիս 1939

Ե. Ս. ԲԱՍՍՈՒՆԻ

Ց Ա Ն Կ

1. Աւոս Ողորմած
2. Խոստովանոյց Թագուհի
3. Շուշանիկ Տիկին
4. Ս. Գրիգոր Նարեկացի



ՍԿ 7587.73

ԱՀՈՑ ՈՂՈՐՄԱԾ

ԵՒ ԻՐ ՇՐՋԱՆԻՆ ՀԱՅՈՑ ՇՈԳԵՒՈՐԱԿԱՆ ՎԻՃԱԿԸ

Հայաստանի վրայ Բազրատունեաց իշխանութեան շրջանին, նախ Ժ. դարուն սկիզբը 38 տարի տեւող տառապանաց ժամանակ մը կայ, որուն կը յաջորդէ 92 տարուայ խաղաղութեան և շինութեան ժամանակ մը՝ Աբաս, Աշոտ Գ. Ողորմած, Սմբատ Բ. Շահնշահ և Գագիկ Ա. Տիեզերակալ թագաւորներուն ներքեւ։ Արդարեւ պետութեան միութիւնը խորտակուած էր արդէն, եւ Հայաստան բազմաթիւ մանր մանր թագաւորութեանց բաժնուած։ Նախ Սմբատ Ա. 889ին իր ձեռքով վրաց թագաւոր պսակած էր Ատրնկրոսէնը որ Բազրատունի ծագում ունէր։ Քիչ յետոյ Ափխազք առանձին թագաւորութիւն կազմեցին, Աղուանք ալ նորոգեցին իրենց կործանեալ հին թագաւորութիւնը։ Վասպուրականի Արծրունեաց թագաւորութիւնը անջատուեցաւ 908ին՝ Գագիկ Արծրունիով, որուն թագ տուաւ Յուսուփ ռաթիկանը՝ Սմբատի զօրութիւնը տկարացնելու մտքով։ Շատ չանցած Սիւնիք ալ զատուեցան իբրեւ ուրոյն թագաւորութիւն։ Վերջապէս 920ին բուն Բազրատունեաց կալուածն անգամ երկ-կիսուեցաւ, թէեւ բարեբախտաբար քիչ յետոյ կրկին միացաւ։ Ապստամբող ու զատուող մասերը հնազանդութեան բերելու և նորէն միացեալ ու զօրաւոր քաղաքական մարմին մը կազմելու համար Սմբատ Ա.ի և Աշոտ Բ.

Մ Մ Ս Յ

- 1. Նամարթ Կոմիտաս
- 2. Կոմարթ Կոմիտաս
- 3. Կոմարթ Կոմիտաս
- 4. Կոմարթ Կոմիտաս

Յերկաթի բոլոր ջանքերն անյաջող անցան: Հետեւաբար, Աբաս թագաւորն ու յաջորդները խոհեմութիւն ունեցան բոլորովին հրաժարելու իրենց նախորդներուն զինուորապաշտ քաղաքականութենէն և այսպէս խաղաղութեան շրջան մը բերելու Հայոց բազմաշարշար երկրին: Անոնք բաւականացան իրենց տոհմային կալուածներով և աշխատեցան սոսկ իրենց բարոյական հեղինակութիւնն արժեցնել միւս երկրորդական թագաւորութիւններուն վրայ: Այս կերպով, ազգամիջեան պատերազմներ դադրեցան, երկիրը խաղաղեցաւ, երկրագործութիւնը, արհեստներն ու վաճառականութիւնը, որոնք ժողովուրդի մը բարօրութեան ազդիւրներն են, ծաղկեցան ու նշանաւոր բարգաւաճման մը հասան:

Աբաս թագաւորն իր աթոռը կարս քաղաքին մէջ հաստատելով, իր բոլոր ուշադրութիւնը դարձուց ժողովուրդի բարօրութեան վրայ, աշխատելով անոր վէրքերը բուժել և նիւթական ու բարոյական վիճակը բարելաւել: Ատրպատականի ընդհանուր կառավարիչ Աֆշինի հետ խաղաղութեան նոր դաշինք կապեց և Գուինի արաբ ոստիկանին հետ ալ բարեկամական յարաբերութիւններ հաստատեց: Գերեալ հայ իշխանները փոխանակուեցան արաբ զերիներու հետ և իրենց առջի գիրքերուն մէջ վերահաստատուեցան: Այսպիսով վստահութիւնը կամաց կամաց տիրեց ամէն տեղ, և ժողովուրդը սկսաւ խաղաղութեան բարիքները վայելիլ:

Աբաս՝ 23 տարի բարեռք կառավարելէ ետքը՝ 951ին մեռաւ, իր ետեւը երկու որդիներ թողլով, Աւոս և Մուսեղ անուն: Անդրանիկը՝ Աշոտ Գ. յաջորդեց իր հօրը, իր կրտսեր եղբայրն ալ Վանանդի կառավարիչ կարգելով: Աբասի վերջին տարիներ

րուն կովկասեան ջեղերու ասպատակները շատցեր էին. ուստի Աշոտ ամիջապէս 45,000 հետեւակ ու ձիաւոր զինուորներէ բաղկացեալ զօրաւոր բանակ մը կազմեց և Գէորգ Մարզպետունիի որդւոյն Գոռի հրամանատարութեան ներքեւ դրաւ: Անով նախ և առաջ թագաւորութեան կեդրոնական նահանգ Շիրակը մաքրեց բոլոր ասպատակներէն և շրջակայ թշնամիներուն ալ յարձակումները զսպեց: Ասիկա երեք տարի տեւեց: Աշոտ իր ժողովուրդին անտեսական ու նիւթական զարգացման հետ երկրի պաշտպանութեան վրայ ալ առանձին խնամք տարաւ, որովհետեւ այնպիսի ժամանակի մը մէջ կը թագաւորէր, երբ հօրի իրաւունքէն դուրս ուրիշ իրաւունք չէր ձանչցուեր: Ուստի երկրին այլեւայլ կողմերը բերդերու և ամրոցներու թիւը շատցուց, նաեւ մշտակայ բանակին թիւը հետզհետէ մինչեւ 90,000 բարձրացուց: 964ին ալ Անիի չուրջը պարիսպներ քաշել տալով թշնամեաց արշաւանքներուն դէմ զօրաւոր պատուար մը կանգնեց մայրաքաղաքին համար: Նա իր բանակին պատկառելի զօրութիւնը խոհեմութեամբ զործածեց, որ թըշնամիները յարգեն իր բարոյական ոյժը: Օրինակ. Միջագետքի Համաուն զօրապետը 959ին ամիրապետէն ապստամբելով, Հայաստանի սահմանները մտած էր երկիրը ասպատակելու: Աշոտ անոր դէմ զնաց եւ փառաւոր յաղթութիւն մը չահեցաւ. գերի բռնեց ապրստամբը և գլուխը կտրելով ամիրապետին զրկեց: Բնականաբար ամիրապետը չափազանց զոհ մնաց, շատ թանկագին ընծաներ զրկեց Աշոտին. անոր տուաւ Շահաւեաի Աւմէն տիաղոսը և արտօնեց որ արաբական ոճով չալմա փաթթէ իր գլուխը:

Ուրիշ աւելի ետքի օրինակ մըն ալ հետեւեալն է. Հոռոմներու Յովհաննէս Չմշկիկ թագաւորը, որուն

սոսկալի անունը յիշելով այլազգի մայրեր իրենց քնա-
նալ չուզող երախաները կը վախցնէին, 974ին եկաւ
ու բանակ դրաւ Տարօնի մէջ և կը սպառնար Աշոտի
թագաւորութեան: Հայոց թագաւորը 80,000 զօրքով
ելաւ կայսեր դէմ, որ ակնածելով այս զօրութենէն,
խնդիրն անուշի կապեց և միայն 10,000 հեծելազօրք
իբր օժանդակ խնդրեց իր Միջագետքի վրայ ընելու
արչաւանքին համար:

Այսու ամենայնիւ, երբ թագաւորին վերոյիշեալ
Մուշեղ եղբայրը 960ին կարգ մը կուսակիցներ շահե-
լով Վանանդ գաւառին մէջ փոքր թագաւորութիւն մը
հիմնեց, Կարս մայրաքաղաքով, Աշոտ չուզեց եղբայ-
րասպան պատերազմ բանալ անոր դէմ, այլ թոյլատ-
րեց որ ան ալ ինքնավար թագաւորի մը պէս իշխէ՝
պայմանաւ որ զինքը իբրև գլխաւոր ճանչնայ: Ահա
այսպէս հզօրն Աշոտ իր խոհեմ ու խաղաղասէր բնա-
ւորութեամբը նշանաւոր հանդիսացաւ:

Աշոտ Գ. թէև 952ին դահակալած էր, սակայն
դեռ չէր թագադրուած: Վերջապէս իր դահակալու-
թենէն ինը տարի ետքը, 961 թուականին Անանիա
Կաթողիկոսին հրաւերովը Հայաստանի բոլոր երկրոր-
դական թագաւորներն իրենց իշխաններով եկան
հաւաքուեցան Անի քաղաքին մէջ, Աշոտ Շահանշահը
մեծահանդէս արարողութեամբ քագաւոր օծելու, ինչ
որ տակաւին երբեք չէր կատարուած ուրիշ հայ թագա-
ւորի վրայ: Հայ թագաւորներէն դատ, Աղուանից
Փիլիպպոս թագաւորն ու Յովհաննէս կաթողիկոսն ալ
եկան այս հանդէսին: Կատարուած արարողութեան
այսինքն օժման նշանակութիւնը այս պիտի ըլլայ որ
բոլոր միւս թագաւորներն այս կերպով պաշտօնապէս
ընդունած կ'ըլլային Աշոտի գերագահութիւնը ամբողջ
Հայաստանի վրայ, և զանի Աստուծոյ կողմէ քնքուած

«արքայից արքայ» կը ճանչնային:

Աշոտ Գ. թագաւորն էր որ առաջին անգամ թա-
գաւորութեան աթոռը հաստատեց Անի քաղաք, որ այ-
նուհետև Բագրատունի թագաւորաց մնայուն աթոռա-
նիստն եղաւ: Աշոտ իր նոր մայրաքաղաքի պաշտպանու-
թեան համար ամուր միջնաբերդ մը կառուց. 964ին ալ
Անիի շուրջը պարիսպներ քաշել տալով՝ թշնամեաց
արչաւանքներուն դէմ զօրաւոր պատուար մը կանգ-
նեց: Թէև Անի քաղաքն սքանչելի ու հռչակաւոր
դարձնող հայ ճարտարապետութեան ու հայ քանդա-
կագործութեան բազմաթիւ ու հոյակապ հրաշակերտ-
ներն աւելի Աշոտ Գ.ի յաջորդող իր երկու որդիներուն
կը պատկանին, սակայն Անիի այդ փառահեղ շրջանին,
հիմը դրած ըլլալու պատիւը կը վերաբերի Աշոտ Ո-
ղորմածին:

Աբաս թագաւորը և որդին Աշոտ Գ. Ողորմած մեծ
ջանքեր ըրին երկրին ընդհանուր վերաշինու-
թեան համար. վերականգնեցին հարիւրաւոր զիւղեր,
աւաններ ու քաղաքներ՝ որոնք քառասնամեայ պա-
տերազմներու միջոցին քանդուած էին, և մասնաւոր
փոյթ տարին երկրագործութիւնը ծաղկեցնելու: Ա-
նոնք յատուկ աշխատանք թափեցին Հայաստանի ներ-
քին ու արտաքին վաճառականութիւնն ալ զարգացնե-
լու, որով Գագիկ Ա.ի օրով (990-1020) մեր երկրին
վաճառաչան քաղաքները — Անի, Կարս, Նախիջևան,
Արծն, Բաղէշ, Եւն. — Հնդկաց, Պարսից ու Արաբաց-
ւոց թանկագին ապրանքներուն շտեմարաններ դար-
ձան, և այդ դարու Հայոց թագաւորներուն եկամու-
տին գլխաւոր մասը վաճառականներէն առնուած
մաքսատուրքէն կը բաղկանար: Անիի աւերակներուն
մէջ տակաւին կանգուն կը կենայ արքունի մաքսատան
մեծ շէնքը, որ ետքէն մզկիթի ալ փոխուած է. իսկ

անոր բոլորտիքը կային ընդարձակ քարվանսարայներ՝ կարաւաններու հանգիստ օթեւանումին համար:

Դաւիթ Խաչկոնց՝ Աշոտ Ողորմածի վրայ գրած գասին գլուխը իբրև նշանաբան սա նշանակալից գեղեցիկ խօսքը կը դնէ. «Չկայ երջանկութիւն՝ ուր չկայ խաղաղութիւն, իսկ չկայ խաղաղութիւն՝ ուր չկայ Աստուած:» Աշոտ թագաւորը ոչ միայն խաղաղասէր ու աշխարհաչէն էր, այլ նաև բարեպաշտ ու կրօնասէր, և կրնանք ըսել թէ իր խաղաղասիրութիւնը իր աստուածապաշտութենէն կը բղխէր: Իր կրօնասիրութիւնը յաւատարմութեան ու գործնական տեսակէն էր: Երբ 968ին Անանիա Մոկացի կաթողիկոսին մահով և Վահան Սիւնեցիի կաթողիկոս ընտրուելովը Հայաստանի մէջ Քաղկեդոնականի և ոչ-Քաղկեդոնականի կրօնական ցաւայի վէճեր ու թշնամութիւններ տեղի ունեցան և մինչև անգամ համաժամանակ երկու հակաթող կաթողիկոսներ եղան, Աշոտ չուզեց միջամտել: Միայն երբ 972ին երկու հակաթող կաթողիկոսները մէկէն վախճանեցան, թագաւորը հրամայեց որ եպիսկոպոսներն ընդհանուր ժողով կազմեն ու արժանաւոր կաթողիկոս մը ընտրեն. և այսպէս ընտրուեցաւ Խաչիկ Ա. Արշարունի ուսումնասէր կաթողիկոսը, որ խիստ արդիւնաւոր ու օգտակար գործուներութիւն մը ունեցաւ:

Աշոտի կրօնասիրութիւնն ամէնէն տեղի քրիստոնէական խոնարհութեամբ ու ողորմածութեամբ կը յայտնուէր: Իրաւ է որ Աշոտ Գ. բազմաթիւ եկեղեցիներ ու վանքեր ալ շինեց. բայց իր թագաւորութեան գլխաւոր պարծանքը այն բարեգործական հաստատութիւններն են, որոնց վրայ մինչև այն ժամանակները գրեթէ միմիայն եկեղեցին հոգ կը տանէր: Աշոտ իր տիկնոջ՝ Խոսրովանոյ թագուհւոյն՝ օժանդակութեամբ, շատ

մը քաղաքներու մէջ որբերու, արքատ ծերերու և ախտաւորներու համար պատուաբաններ, անկեղանոցներ ու հ'ւանդանոցներ շինեց, որոնց մեծամեծ հատոյթներ ալ կապեց: Իր խոնարհութեան ու գթութեան ապացոյցն այն է որ երբեք ճաշի չէր նստեր առանց իր քով աղքատ ու անկար մարդիկ սեղանակից ունենալու, որոնց անձամբ ալ կերակուր ու բաժակ կը լեցնէր, նաև յաճախ վիրաւորներն իր ձեռքով կը դարմանէր: Ազգն ալ երախտագիտութեամբ հղորմած պատուանունը տուաւ անոր և իր գթասիրութեան յիշատակն անջինջ պահեց: Բովանդակ Հայաստանի ժողովուրդին սիրոյն ու գուրգուրանքին առարկան էր Աշոտ Ողորմած, որ 26 տարի հայրաբար կառավարեց մեծն ու պզտիկը և խաղաղութեան ու սիրոյ մէջ պահեց ժողովուրդը:

Բայց ոչ միայն Աշոտ թագաւորն ինքը և մէկալ երկրորդական թագաւորներն ու իշխանները բարեպաշտ էին, այլ նաև ժողովուրդը խորապէս կրօնասէր էր այդ դարուն: Անոնք անկեղծօրէն կը հաւատային Աստուծոյ և Անկէ կը վախնային. կը հաւատային Քրիստոսի փրկագործութեան ու յարութեան, նաև երկրորդ գալուստին. կը հաւատային հանդերձաւ կեանքի, վերջին դատաստանի, երկինքի երանութեան և դժոխքի պատիժին, և այս հաւատքին համեմատ ալ ապրելու կը ջանային: Անոնք կը սիրէին Աստուածաշունչը, և որոնք որ կարողութիւն ունէին, իրենց քսակէն գրամ ծախսելով, Աստուծոյ Խօսքին օրինակները շատցնել կուտային. նաև Ար. Գրքին ու եկեղեցական պաշտամունքի նշանակութիւններն աւելի ազէկ հասկնալ փափաքելով, ձեռնհաս վարդապետներուն անոնց մեկնութիւնները գրել կուտային: Անոնց այս կրօնասիրութիւնը բարեբախտաբար շատ քիչ անգամ ի յայտ բերուած է դաւանական վիճարաւ


նութիւններու կամ մորեռանդ հալածանքներու ձեռով, այլ յաւէտ գործնական կերպով, — փառաշուք երկընդպարութեան, հոյակապ ու բազմաթիւ տաճարներու կառուցման, իբրև կրօնական դպրոցներ ծառայող վանքերու բազմացման, աղքատասիրութեան, բարեգործական հաստատութիւններու հիմնարկութեան ու պահպանման, և նման ձեւերով: Անոնք կը սիրէին հարկաւ փառաւոր ու զեղեցիկ եկեղեցիներ շինել, հաստեթաբեր կայուածներ յափկացնել կրօնական հաստատութիւններուն և ազգօգուտ ձեռնարկներուն առատաձեռնօրէն տալ: Հիմա մեր ձեռքը հասած զբաշագիրներու հնազոյնները, զորօրինակ՝ Մլքէի ու Էջմիածնի թանկագին ձեռագիր Աւետարանները, այդ դարուն ընդօրինակուած ու կազմուած հրաշակերտներ են:

* * *

Այն թուականներուն երբ Հայաստան Արաս թագաւորին ներքև անդորրութիւն կը գտնէր ու վերաշինութեան չրջանի մը կը թեւակոխէր, Բոմանոս Լեւկաբենոս կայսրը կրօնական նախանձայնողութեամբ սկսաւ Բիւզանդական կայսրութեան սահմաններուն մէջ բնակող հայերը յոյն Օրթոտոքսութեան ստիպել, մասնաւորապէս կղերականներուն վրայ ծանրացնելով իր խտութիւնը: Այս հալածանքին երեսէն շատ մը կրօնաւորներ թողուցին Հոռոմոց երկիրները և գաղթեցին գլխաւորապէս Այրարատի թագաւորութեան գաւառները: Ասոնց գալուստը գրկաբաց ողջունուեցաւ հայազգի թագաւորներէն ու իշխաններէն, որոնք չափազանց սիրահար էին արդէն վանքեր հիմնելու կամ պայծառացնելու գործին: Անանիա Մոկացի կաթողիկոսին կողմէն ալ այդ գաղթող գիտուն վարդապետ-

ները շատ քաջալերութիւն կը գտնէին: Եւ այսպէս, ուսումնական յառաջդիմութեան նոր դարագլուխ մը բացուեցաւ Հայաստանի համար:

Նոր հիմնուած կամ վերանորոգուած վանքերուն մէջ ամէնէն նշանաւորներէն մէկն էր Կամրջաձորոյ վանքը՝ Կաղզուանի մօտ: Ասոր ետքի վանահայրերէն են Սամուէլ Կամրջաձորեցի, տրամաբանական սուր գրիչի տէր վարդապետ մը, որ նաեւ մասնաւորապէս հռչակուած էր իր երաժշտական խոր հմտութեամբ, և Ստեփաննոս Ասողիկ երեւելի պատմիչը: Երկրորդ մէկն էր Հոռոմոսի վանքը, Անի քաղաքէն ոչ հեռու դէպի հիւսիս, որ դեռ կանգուն է և Խոջավանք կը կոչուի: Կ'երեւի թէ ասոր շինութեան իր անձնական քրտակէն ստատարած է Աշոտ Ողորմած ինքը և հոն կարելի է նաև տեսնել իր դամբարանը որ մինչև հիմա կը մնայ: Երրորդն էր Վանայ լճին հարաւարեւելեան անկիւնին մօտ, Ռշտունեաց գաւառին մէջ, Նաթեկայ վանքը, որ Ս. Գրիգոր ալ կը կոչուի՝ Գրիգոր Նարեկացիին գերեզմանը հոն ըլլալուն համար: Այս վանքին հիմնադիրն էր Անանիա վարդապետը, որ ինքն ալ կարող փիլիսոփայ մըն էր. շատ մը ուսումնասէր անձինք հաւաքուեցան հոն և զրական կարեւոր դպրոց մը հիմնուեցաւ, որով այս և յաջորդ դարուն մէջ Նարեկայ վանքը նշանաւոր եղաւ իբրև ուսման կեդրոն մը: Գրիգոր և Յովհաննէս Նարեկացիները, Անձեւացեաց Խոսրով եպիսկոպոսին ի մօրէ որբ մնացած որդիները, այդ վանքին մէջ առին խնամեալ դաստիարակութիւն մը Անանիա վարդապետին ձեռքին տակ, որ իրենց մօտը հօրեղբայրն էր: Աշոտ Ողորմածի վերջին օրերն էին ասոնց ծաղկիլ սկսած ժամանակը. և Գրիգոր, որ արդէն զարեւանքին կարող ու հռչակաւոր ուսուցիչն էր եղած, Երգ Երգոցի իր նշանաւոր մեկնութիւնը կը



7582.73

գրէր՝ տակաւին 26 տարեկան հասակին մէջ: Աւելի ետքերն էր որ նա արտադրեց «Նարեկ» անունով ծանօթ իր հոգեչուէնչ աղօթագիրքը:

Շատ նշանաւոր եղած են Աշոտ Ողորմածի օրով նաեւ հիւսիսային Հայաստանի Լոռի գաւառին մէջ նոր շինուած զոյգ վանքերը, Սանահինի և Հաղբասու, որոնք խիստ կարեւոր դիրք կը բռնեն յետագայ դարերուն իբրեւ լուսաւորութեան վառարան՝ մայր հայրենիքի կեդրոնին մէջ: Սանահին հիմնուած է 957ին, իսկ Հաղբաս 967ին. երկուքին ալ հիմնադիրն է եղած Աշոտ Ողորմածի զուգապատիւ կողակիցը՝ Սոսրովանոյշ Թագուհին, որ իր բոլոր օժիտները ծախսեց այդ վանքերուն շինութեանց համար և աւարտեց 980ին: Այս մասին արդէն գրած եմ Պատմական Արձագանգին մէջ, որով աւելի չեմ խօսիր:

Աշոտ Գ.ի և իրեն յաջորդող երկու որդւոցը, Սըմբատ Ի.ի և Գագիկ Ա.ի օրերն են Անի քաղաքին բարեզարդութեան շրջանը: Ըստ աւանդութեան՝ Անի քաղաքը հազար ու մէկ եկեղեցի ունէր. թէ այս աւանդութիւնը խիստ չափազանցուած սեպենք և ենթադրենք թէ հարիւր և մէկ եկեղեցի կար հոն, նորէն ահագին թիւ մըն է ասիկա, որովհետեւ Անի քաղաքին դիրքը Զահլէի դիրքէն ընդարձակ չէ: Անշուշտ այս մեծ թիւէն խոշոր մաս մը պաշտօնական եկեղեցիները ըլլալէ աւելի՝ իշխանական գերդաստաններու սպարանքներուն կից մատուռներ էին. բայց և այնպէս, այս հիանալի երեւոյթը փաստ մըն է թէ՛ ժողովուրդին արտակարգ բարեպաշտութեան, թէ՛ շինարարական եռանդին ու գեղարուեստական տենչանքին և թէ՛ միանգամայն նիւթական կարողութեան: Սակայն ամէնէն աչքառու յատկութիւնը սա է որ, ըստ Լինչի վկայութեան՝ մինչև հիմա քիչ թէ չատ կանգուն

մնացած նմոյշներէն դատելով, այդ շէնքերէն իւրաքանչիւրը, մեծ կամ պզտիկ, ճարտարապետական գոհար մըն էր. հոն կը տեսնենք հարստութիւն, կրօնասիրութիւն և գեղարուեստական նուրբ ճաշակ միացած: Այսպէս ուրեմն, հայկական գեղարուեստի բարձրագոյն ծաղկման շրջանն էր այս, երբ ոչ միայն հայկական ճարտարապետութեան ամէնալաւ նմոյշներն եղող տիեզերահոյակ տաճարները կառուցուեցան Անի, Կարս, Աղթամար, եւ այլ տեղեր, հապա նաեւ հայ քանդակագործութեան գեղեցիկ արտադրութիւններուն կը հանդիպինք առաջին անգամ ըլլալով: Աստոնց մասին ուրիշ առիթով մը խօսիլ պէտք է, ներկայիս սա կէտին վրայ միայն կ'ուզեմ ձեր ուշադրութիւնը գրաւել որ մեզի հասած գրաւոր կամ արձանագրական աղբիւրներու տեղեկութեանց համաձայն Անիի, Աղթամարի, Սանահինի, Հաղբասու, եւ այլ տեղերու այդ հոյակապ եկեղեցիներու ճարտարապետներէն, նաեւ զանոնք գեղազարդող անդրիագործներէն չատեր հոգեւորականներ են. Մանուէլ և Տրդատ ճարտարապետներուն քով կը գտնենք Աղթամարի տաճարին պատերը նկարազարդ քանդակներով զրուագող այդ անանուն քահանան, Հաղբասու և Սանահինի Սիմէոն Հայրը, Տիրանուն երէցը, եւն, եւն*:

Ասիկա մեզի չատ լուսաւոր հեռանկարներ կը բանայ մեր այդ վաղեմի դպրեկանքերուն կրթական մակարդակին մասին: Գիտենք թէ Հայոց վանական դպրոցներուն մէջ եռանդով մշակուած գեղարուեստ մըն էր նկարչութիւնը, մանաւանդ մանրանկարչութիւնը, որ գեղապրութեան անբաժանելի մէկ ընկերն

*Կ. Բաւաւսեան, «Հայոց Հիւսիս Գեղարուեստի Վարպետները», Փարիզ 1926, պատկերագրող ու գեղասիր:

է: Պատճառներ կան հաւատարու թէ Բագրատունեաց օրով այնչափ ընդարձակ ասպարէզի վրայ տարածուած հայ վաճառականութեան սիրուն՝ հաշուազիտութիւնն ու աշխարհագրութիւնն ալ կարեւոր ձեւեր էին զըզրոցական ուսուցման: Բագրատունեաց շրջանին կը հանգրիպին ք նաեւ առաջին պաշտօնական հայ բժշկական մարմնի մը և բժշկական գրականութեան: Այս բոլոր երեւոյթներէն դատելով, կարելի է ապահովապէս եզրակացնել թէ այս ժամանակի հայ գիրելւանքերը, գոնէ անոնց կարեւորագոյնները, պարզ կրօնագիտական գաղափարներ չէին, այլ ընդարձակ իմաստով ուսումնափոխներ, ուր ոչ միայն բնախօսական և բժշկական տարերք կը հաղորդուէին, այլ մինչև անգամ ճարտարապետութեան ու քանդակագործութեան պէս գեղարուեստական մասնագիտութիւններ եթէ ուղղակի չէին ուսուցուեր, զէթ անոնց յարմար տաղանդ ունեցողներն ամէն կերպով կը քաջալերուէին իրենց մասնաւոր ձիրքերը զարգացնելու և հայրենիքի ու եկեղեցւոյ շինութեան ու բարեգործութեան համար կիրարկելու: Կրօնք, գիտութիւն և գեղարուեստ՝ ձեռք ձեռքի:

Այս այլազան ուսմանց յաջողապէս յառաջ տարուելուն համար հարկաւ գրապարաններ ալ պէտք էին. և ստուգիւ կը գտնենք որ ամէն մէկ կարեւոր զըզրելւանք ունէր մեծ կամ պզտիկ քանակութեամբ ընտիր մատեաններու մթերք մը, բնականաբար գրչագիր՝ քանի որ այն ատեն դեռ տպագրութիւնը հնարուած չէր: Այսպէս Աշոտ Ողորմածի վերջին տարիներուն ժամանակակից Սաչիկ Ա. Կաթողիկոսը (973—992), Ախուրեւանի ափին, իր Արզինայի հայրապետանոցին մէջ հիմնած էր գեղեցիկ ու ճոխ մատենադարան մը՝ Ս. Գրոց, վարդապետական և այլ երկերու. և անոր կից ու-

նէր ընդօրինակիչներու ժրջան գալրոց մը: Քանի մը հաս երկաթագիր գրչագիրներ, որոնք այժմեան մատենադարաններու զարգը կը կաղմեն, Սաչիկի կաթողիկոսութեան թուականները կը կրեն և իր անունը կը պանծացնեն: Նշանաւոր էին նաեւ մայրաքաղաքին մօտակայ Հոռոմոսի վանքին գրատունը, Սանահինինը և դեռ ուրիշ շատեր: Յիշատակագիր մը Հաղբատու վանքին մատենադարանը «ամենափարթամ գանձարան» կ'անուանէ: Կարելի չէ մոռնալ նաեւ Անի քաղաքի մէջ Բագրատունեաց արքունի գանձատան հարուստ գրանցոյ:

Աշոտ Ողորմածի թագաւորութեան շրջանը եղած է նշանաւոր բառարդ դար մը, որ իբրև հետեւանք ունեցաւ աւելի նշանաւոր կէս դարու ազգային արգիւնաւոր կեանք: Հայ քաղաքակրթութեան երեք ամենակարեւոր փուլերը դժբախտաբար երեք զատ զատ և իրարմէ շատ հեռու ժամանակամիջոցներու վիճակուած են. (ա) Քաղաքական-գիւնուորական մեծութիւն՝ Մեծն Տիգրանի օրով. (բ) Մտաւոր գերագանց բարձրութիւն և հայ գրականութեան ազնուագոյն արգասիք՝ Ե. դարուն. (գ) Նիւթական քաղաքակրթութեան և գեղարուեստական կեանքի ամէնէն հարագատ և արգասարբեր շրջան՝ Բագրատունեաց ներքեւ: Հայը ինք ամէնէն աւելի գնահատած է երկրորդը, և զայն նկատած՝ իբրև իր Պատմութեան ոսկեդարը: Սակայն արդի Եւրոպացի գիտուններու կարծիքով՝ Հայ Քաղաքակրթութեան գագաթնակէք, յորում հայ մշակոյթը հասած է ստեղծագործ անկախութեան մը զօր կարելի է բացարձակ կոչել, Բագրատունեաց Հարստութեան փառաց շրջանին էր (Յ. Տ. 950 — 1020), որ է Անի քաղաքին ալ ծաղկման ոսկեդարը:

Աշոտ Ողորմածի իշխանութեան միջոցին Հայոց

հոգեւորական կեանքը լաւ հասկնալու և գնահատելու համար պէտք է որ սա մէկ կէտն ալ յիշենք, թէեւ շատ համառօտակիւ՝ այսինքն թէ Հայաստանի մէջ պաշտօնական եկեղեցւոյն քով կային նաև անկէ տարբեր խորհող ու պաշտող քրիստոնեայ տարրեր, անհատներ և համայնքներ: Տեղը չէ հոս մտնելու Հայաստանեայց եկեղեցւոյ դաւանաբանական դիրքին մանրամասն բացատրութեանը: Այդ դիրքը մէկ բառով կը սահմանուի իբրև հակաաղիկեդոնականութիւն, որ իր պատմական խորունկ դրդապատճառներն ունի և որ զինք միշտ դատ պահած է Արեւմուտքի մեծ եկեղեցիներէն, որոնք երկաբնակ կ'անուանուին, որով Հայ եկեղեցին ալ Միաբնակ եղած կ'ըլլայ: Այսու ամենայնիւ Հայոց մէջ՝ Մէկ Ընդհանրական եկեղեցւոյ գաղափարը չէ մեռած, մինչև անգամ դարէ ի դար շարունակ շատ մը սիրտերու խորը մնացած կ'երեւի ծածուկ կասկած մը թէ գուցէ ուրիշներուն կողմէ իբրև Միաբնակութիւն ըմբռնուած այս դիրքը այնչափ ալ նպաստաւոր չէ, քանի որ միշտ իբրև եւտիքական հերետիկոսութիւն մեկնուելու վտանգին ենթակայ է: Ասոր համար Հայ եկեղեցւոյ ամենանուրբ խորհող միտքերը և ամենալայն սիրտ ունեցողները, անոնք որ ամէնէն աւելի հետամուտ գտնուած են խորունկ հոգեւոր կեանքի, շարունակ փափաքող եղած են նաև քրիստոնէական նախկին դարերու եկեղեցական միաբանութիւնը վերահաստատելու: Այսպիսի մէկը ըլլալ կ'երեւի Գրիգոր Նարեկացւոյ հայրը, Անձեւացեաց Կալիսկոպոսը Խոսրով, Պատարագամատոյցի այդ անգուգական մեկնիչը, որ միանգամայն ազատամիտ մէկն էր եկեղեցական նուիրապետութեան կարգ ու սարքի մասին, և հակառակող՝ կրօնական միահեծան ու բռնապալ վարչաձեւի մը: Ինչպէս շատեր զիտած են, մի-

տեւոյն լայնախոհ ազատամտութիւնը մէկ բնորոշ յատկանիշն էր նաև Նարեկայ վանքին, անոր հիմնադիր-վանահայր Անանիա վարդապետէն ժառանգ մնացած, այն աստիճան որ աւելի ետքերը, Գրիգոր Նարեկացւոյ չափահաս տարիներուն, ժամանակին կաթողիկոսը լուրջ կասկածներ տածել սկսաւ այդ վանքին ուղղափառ դաւանութեան մասին և ճնշումներ բանեցուց անոր վրայ: Բայց այն ատեն շատոնց մեռած էր Աշոտ Ողորմած, որ ինչպէս արդէն յիշեցինք, անկողմնակալ դիրք կը բռնէր եկեղեցական վէճերու առթիւ և չէր թոյլատրեր որ խղճի ազատութիւնը բռնաբարուի: Նա իսկապէս բարեկամ եղած կ'երեւի վահան Սիւնի կաթողիկոսին, որ իբրև Քաղկեդոնիկ կասկածուելով պաշտօնանկ եղաւ եկեղեցական համաժողովի որոշմամբ, ու թէեւ խոհեմազարդ թագաւորը զանի պաշտպանել չխորհեցաւ պետական ոյժով, սակայն ըստ Մատթէոս Ուռհայեցւոյն՝ Չմչիկ Յովհաննէս կայսեր հետ բանազնացութեան առթիւ գործածեց զանի, ինչպէս նաև Լեւոն կամ Դեւոնդ իմաստասէր անուն նշանաւոր հայ վարդապետը, որ նոյնպէս Քաղկեդոնական հակումներ ունէր: Աշոտ Գ. թագաւորը հակառակ չէր արգարեւ Հայոց եկեղեցւոյն ուղղափառութիւնն ու անկախութիւնը գրչով պաշտպանելու, ուստի իր վերջին տարիներուն՝ երբ Խաչիկ կաթողիկոսը Մելիտինէի ու Սեբաստիոյ յոյն մետրոպոլիտներուն անիրաւ ու մոլեռանդ յարձակմանց դէմ յարմար պատասխաններ և բողոքագիրներ դարձուց, ու մինչև անգամ Հայոց կաթողիկոսութեան իրաւասութեան սահմանները լայնուց՝ Անտիոքի և Կիրիկիոյ մէջ հաստատուած հայերուն հոգեւոր հովուութեան համար երեք եպիսկոպոսութիւններ հիմնելով, կ'երեւի թէ թագաւորը այս բաներէն գոհ մնաց և խրախուսեց: Բայց

չենք տեսներ թէ իր օրով, Հայաստանի սահմաններուն մէջ բնակող Հայ Եկեղեցւոյ ընդհանուր գաւառութեանէն տարբեր խորհող մարդոց և համայնքներուն դէմ Եկեղեցին ունէ հալածանք վերցուցած ըլլայ: Թագաւորին այս թոյլատու ոգիէն ամէնէն աւելի օգտուողներն եղած կ'երեւին Թոնդրակեցիք կամ Հայ Պաղիկեանք, որ յունական երկիրներուն մէջ իրենց դէմ շարունակուող սաստիկ և արիւնալից հալածանքներէն փախչելով, ոչ միայն ապաստան գտած էին արևմտեան Հայաստանի գաւառներուն մէջ և հաստատ կազմակերպութիւն ստացած, այլ մինչև անգամ խաղաղօրէն զարգանալ և ծաւալիլ սկսած էին: Ուրիշ առիթով մը ստիպուած ենք գրել այս հետաքրքրական կրօնական ազանդին վրայով, որ՝ օտար կարող պատմագէտներու կարծիքով՝ Կեղրոնական Եւրոպայի մէջ Եկեղեցական Բարեկարգութեան սերմերը ցանած եւ Բողոքականութեան գետին պատրաստած է, ինչպէս նաև Հայ Պաղիկեաններու «Բանալի Ճշմարտութեան» անուն հետաքրքրական գաւառագրքին մասին, զոր Փրոֆ. Ֆ. Գօնիպէյը գտաւ Էջմիածնի թանգարանին մէջ, և ընդարձակ յառաջարանով, անգլիերէն թարգմանութեամբ և ընտիր ծանօթագրութիւններով միասին հրատարակեց Օքսֆորտի մէջ*:

Ի՞նչ է այս պատմական հակիրճ տեսութենէն քաղուելու դասը մեր այսօրուան կեանքին համար:

Նախ, Գործնական Քրիստոնեակրթիւն: Այդ գարուն մարդիկը ջերմ քրիստոնեաներ էին, բայց ոչ նուազ նաև գործնական մարդիկ: Անոնց ջերմ հաւատքն ու ակնկալութիւնը հանդերձեալ կեանքի մը համար, զա-

*The Key of Truth, edited and translated by F. C. Conybeare, Oxford, 1898.

նոնք անընդունակ չըրաւ ոչ ազգն ու հայրենիքը սիրելու և հաւատարիմ աշխատութեամբ զայն նիւթապէս ու բարոյապէս ծաղկեցնելու, և ոչ իսկ այս կեանքի բարիքները մաքուր ու անմեղ կերպով վայելելու: Մենք ալ հետեւինք անոնց բացած հաւատքի շաւղին ու ազգովին պահպանենք մեր հոգեւոր յատկանիշը: Բարեպաշտութիւն և ամենարարձր քաղաքացիութիւն անհաշտելի զաղափարներ չեն, այլ իսկապէս իրարու լրացուցիչ ու զօրավիգ:

Երկրորդ, կը տեսնենք թէ Հայաստանի մէջ քաղաքական բացարձակ անկախութիւն և պետական միութիւն չըլլալով հանդերձ, կարելի եղաւ քաղաքապետութիւն ամենամեծ յառաջդիմութիւնը ձեռք բերել: Ասիկա շատ պատճառներ ունէր. բայց ամէնէն կարեւորը սա է որ Հայաստանի բաժան բաժան ըլլալուն հակառակ, ընդհանրապէս սէր և համերաշխութիւն կը տիրէր մէկ կողմէն անոր զանազան թագաւորութիւններուն և իշխանութիւններուն միջև, միւս կողմէն ալ աշխարհական ու կղերական դասակարգերուն միջև սերտ գործակցութիւն մը կար հայրենիքի շինութեան և եկեղեցւոյն պայծառացման համար: Իսկ այս համաձայնութեան զլիսաւոր գաղտնիքն ալ կրնանք գրտնել նոյն ինքն Աշոտ Ողորմածի անձնական նկարագրին մէջ: Ասիկա մեզի կը թելադրէ այսօր ալ քրիստոնէական սիրով խաղաղութեան ետեւէ երթալ:

Երրորդ, շատ անգամ կրկնուած սխալ ու մոլորեցուցիչ դիտողութիւն մը սա է թէ «Քրիստոնէութիւնը Հայ ազգին կործանման պատճառ եղաւ և երանի՜ թէ մեր ազգը հեթանոս մնացած ըլլար:» Սակայն իրաւ,

*Այս հարցումին պատասխանող ընդարձակ բանաստեղծութիւն մըն ալ ունի հեղինակը եւ կ'արժէր զայն ալ հրատարակութեան տալ:

Քրիստոնէութիւնն էր որ Հայ ազգին կործանման պատճառ եղաւ: Մեր այսօրուան պատմական խորհրդածութիւնը այդ հարցումին «Ոչ, հազար անգամ ոչ» կը պատասխանէ, և բացարձակապէս կը հերքէ այդ թիւր և անհիմն կարծիքը: Պատմական զէպքերու անհերքելի վկայութիւնը սա է որ Հայաստանի քաղաքակրթապէս ամէնէն աւելի ծաղկած շրջանն ա՛նոր ամէնէն բարեպաշտ ու կրօնասէր եղած շրջանն իսկ էր: «Արդարութիւնը կը բարձրացնէ ազգը:»



ԽՈՍՐՈՎԱՆՈՅՇ ԹԱԳՈՒՀԻ

ԲԱՐԵՐԱՐ ԵՒ ԴՊՐՈՒԹԵԱՆՑ ՈՒ ԳԵՂԱՐՈՒԵՍՏԻՑ
ՊԱՇՏՊԱՆ ՏԻԿԻՆ ՄԸ*

Երեւակայութեամբ փոխադրուինք Բագրատունեաց շրջանին: Այդ տոհմի քաղաքակրթիչ ու հայրենասէր իշխաններուն մէջ ամենամեծերէն էր Աոս Գ., որ իր աթոռը հաստատեց Անի քաղաքը, եւ զոր ազգը, ա՛նոր բարեգործական նկարագրին յիշատակը յաւերժացնելու համար, Ողորմած մականունով պատուած է:

Աչոտ Ողորմածի թագունին Խոսրովանոյշ, ամենեւիմբ իրեն յարեւմտեան կողակից մը, ազքատներուն և հիւանդներուն հանդէպ չափազանց զուժ ու գորով կը ատէր և խոնարհութեան անթիւ գործեր կ'ընէր: Իր թագաւոր ամուսնոյն գործակից էր բազմաթիւ քաղաքներու մէջ որբանոցներ, հիւանդանոցներ և ծերերու համար անկելանոցներ շինելու: Արքայական ամուլը երբեք սեղան չէին նստեր առանց աղքատ մը կամ անկար մը սեղանակից ունենալու: Հիւանդներու ու վիրաւորներուն յաճախ իրենց ձեռքով սպասարկութիւն կ'ընէին, զեղ և կերակուր կը մատուցանէին:

Խոսրովանոյշ աիկինը կառուցանել առւած է նաեւ

* Հեղինակին «Պատմական Հայ Կիներ» ընդարձակ աշխատասիրութեան և. շարք, թիւ 8:

«Պատմական Արձագանգ» ին մեջ հրատարակուած, (Ա. Հասոբ, 1937, էջ 82) ֆիլ մը կրճատեալ ձեւով:

բաղձաթիւ եկեղեցիներ: Աշոտ թագաւորն իր բարեպաշտական զգացումներով մեծապէս կ'օգնէր Անանիայ Կաթողիկոսի եկեղեցաչէն ձեռնարկներուն, իրեն համամիտ ու գործակից ունենալով Խոսրովանոյշ թագուհին: Պատմութիւնը մեզի չէ աւանդած թէ որո՞ւ գուետրն էր այս սքանչելի տիկինը:

Խոսրովանոյշ այնչափ դպրոցասէր որչափ բարեպաշտ ու գթած, հոյակապ կերպով շինել տուաւ հիւսիսային Հայաստանի Լոռի գաւառին մէջ Սանահին և Հաղբատ դպրեւանքները (մէկը հիմնուած 957ին և միւսը՝ 867ին), անոնց բաւականաչափ եկամուտներ յատկացնելով և գիտնական ու կարող վարդապետներ իբր ուսուցիչ կարգելով. այնպէս որ այն երկու վանքերը դարերով բարձր ուսում և բարեպաշտութիւն ջամբած են մայր հայրենեաց՝ իբրև դպրութեան ու կրօնքի գլխաւոր վառարաններ: Ատոնք խիստ նշանաւոր տեղ կը բռնեն հետագայ դարերուն մէջ իբրև կեդրոն արևելիան վարդապետներու խումբին, որ անգնահատելի ծառայութիւններ մատուց Հայաստանեայց եկեղեցին օտար ազդեցութեանց դէմ պաշտպանելու մէջ:

Կրկին վանքերուս հիմնադիր թագուհին իր բոլոր օժիտները ծախսեց այդ շինութեանց համար: Զինացեց ունէ ծախք կամ ջանք՝ զանոնք տիպար ուսումնավայրեր ընելու: Գրիգոր Մագիստրոս, ԺԱ. դարու երեւելի հայ գիտնականը, կը գովէ Սանահինի վանքն իբրև փառաւոր կեդրոն մը ուսման ու գիտութեան, մէկէ աւելի վարժարաններով, ուր պատանիներ կ'ուսանէին ոչ միայն Աստուածաբանական ուսմունք, հռետորութիւն, փիլիսոփայութիւն և երաժշտութիւն, այլ նաև բժշկութիւն և ուրիշ օգտակար ազատարուեստներ: Քանզի ահա անգիէն ուրիշ բարերարուհի մը, տիկին Շուշիկ, Մագիստրոսի հանին, Խոսրովանոյշ

թագուհւոյն օրինակէն դրդեալ, անոր հիմնած Սանահինի վանքին մէջ բանալ կուտայ հիւանդներ պառկեցնելու սրահներ ու տեսակ մը դարմանատուն, ուր աղքատ հիւանդներ ձրի կը խնամուէին: Բայց ոչ միայն այսչափ, հապա բժշկական դասընթացք մըն ալ հաստատուեցաւ հոն, ինչպէս կը սորվինք Գ. Մագիստրոսի նամակներէն, ուր կը յիշէ թէ ինքն ալ հոն անդամազննութեան դասեր կուտար: Դիտելի է որ հայ բժշկական գրականութեան ծանօթ անդրանիկ երկն ալ, Վենետիկի Մխիթարեանց գրադարանը ձեռագիր պահուած բժշկարանը, արաբերէնէ թարգմանուած է «ի ժամանակս յաղթող թագաւորին Հայոց Գագկայ», որ է Գագիկ Ա. մեծ արքան, Խոսրովանոյշի որդին:

Աշոտ Ողորմած վախճանեցաւ 977ին, իսկ Խոսրովանոյշ երեք տարի եւս ապրեցաւ ամուսնոյն մահէն ետք, և Սանահինի ու Հաղբատի շինութիւնները լրացուց՝ 980ին:

Աշոտ Ողորմած և Խոսրովանոյշ երեք որդի ունեցան, Սմբատ, Գագիկ և Գուրգէն: Առաջին երկուքը գահակալեցին Անիի աթոռին վրայ, և իրենց իշխանութեան ժամանակ (977-1020) Բագրատունեաց թագաւորութեան փառքի ու զօրութեան գագաթնակէտն ըլլալէ զատ հայ քաղաքակրթութեան ու գեղարուեստի, յատկապէս հայ ճարտարապետութեան, ամէնածաղկեալ շրջանն է: Իսկ Գուրգէն ժառանգեց Լոուոյ փոքր թագաւորութիւնը: Ժամանակակից Մտեփանոս Ասողկ պատմիչին համեմատ՝ (էջ 254) Աշոտ Ողորմած և Խոսրովանոյշ այս երեք որդիներէն զատ գուետր մըն ալ ունէին, որուն անունը սակայն չի տար դժբախտաբար: Այսպիսի օգտակար զաւակներ ունենալէ դիւրաւ կ'եղջրակացուի թէ Խոսրովանոյշ բարի ու որդեխնամ մայր մըն ալ կըզած է, և թէ ուրիշները խորհելու ատեն՝ իր

զաւակնները անխնամ չէր թողած, այլ զանոնք սիրով ու հոգածութեամբ կրթած ու դաստիարակած էր:

Հաղբատի Ս. Նշան վանքին արձանագրութեան մէջ Խոսրովանոյ թագուհին կ'ըսէ թէ ինք այդ սրբավայրը կառուցանել տուաւ իր արքայազուն որդւոց, Սմբատի ու Գուրգէնի փրկութեան ու արեւչասութեան համար: Սոյն արձանագրութիւնը կը գտնուի վանքին գլխաւոր տաճարին արեւելեան պատին մէջ ագուցուած խոչոր վէմի մը վրայ, ուր քանդակուած կան նաեւ Սմբատ Տիեզերակալի և եղբօրը Գուրգէնի պատկերները հին արքայական զգեստներով, ձեռքերնին բռնած յիշեալ տաճարներու կաղապարները: Ասիկա մէկն է հայ քանդակագործութեան զեղեցիկ արտադրութիւններէն: Իսկ ուրիշ հազուագիւտ նմոյշ մըն է Գագիկ Ա.ի նակայական ու հոյակապ արձանը՝ գլուխը չալմայով և ձեռքին մէջ բռնած Անի քաղաքի Ս. Գրիգոր եկեղեցւոյն կաղապարը: Փրոֆ. Ն. Մարրի կողմէ 1906ին Բագրատունեաց վաղեմի մայրաքաղաքին աւերակները պեղելու ատենը գտնուած այս անդրին յայտնապէս ճշմարիտ արուեստագէտի մը հրաշակերտն է: Այսպէս, հայ արձանագործութեան գրեթէ առաջին, ճշմարիտ նմոյշները մեզի հասած են Խոսրովանոյ թագուհւոյն և իր որդւոց օրերէն: Ասկից բացորոշ կը տեսնուի թէ զեղարուեստից ալ սիրահար տիկին մըն էր նա, որ իր ճաշակը փոխանցած է նաեւ իր որդիներուն:

Ահա օրինակելի տիկին մը, միանգամայն գաղափարապաշտ ու գործնական և զոհարերող, իր ամուսնոյն խորհրդակից ու օգնական, հաւատարիմ կողակից մը, իր որդիներուն կրթիչ ու առաջնորդող բարի մայր մը, կրօնասէր, աղքատասէր, շինարար, նաեւ ուսմանց ու զեղարուեստից պաշտպան:

* * *

Ըսինք թէ պատմութիւնը մեզի չէ աւանդած թէ որո՛ւ գուտարն էր Խոսրովանոյչ, բայց իր անուէն մակարեւելով կրնայինք կարծել թէ Խոսրով մըն էր իր հայրը. ուստի կարելի էր հարցնել թէ արդեօք Խոսրով Անձեւացիին գուտարը չէ՞ր Խոսրովանոյչ. տարիքը գոնէ արգելք չի յարուցաներ այս ենթադրութեան դէմ: Գովութեամբ ևւ յարգանօք յիշուած անձնաւորութիւն մըն է այս Խոսրովը, ծագուածով ազնուական մը՝ հաւանաբար Անձեւացեաց արքայական տոհմէն իսկ: Իր ձեռնադրուած ժամանակ արդէն հայր էր երեք որդիներու, որոնք յետոյ հոգեւոր մարդին մէջ նշանաւոր անձինք եղան — Սահակ, Յովհաննէս Նարեկացի և Ս. Գրիգոր Նարեկացի: Այս խարհական և ամուսնացեալ կեանքէն եկեղեցական կեանքի անցած այս Խոսրով Անձեւացին չուտով փայլեցաւ իբրեւ հմուտ ուսումնական մը և կարող հեղինակ, ու շատ յաջողութեամբ վարեց եպիսկոպոսութիւնն Անձեւացեաց երկրին, որ այն ատեն զատ պղծաբանի թագաւորութիւն մըն էր: Իսկ իր եպիսկոպոսութեան հասնիլը եղած է ամենայն հաւանականութեամբ Անանիա Մոկացի կաթողիկոսին աթոռակալութենէն, այսինքն 946 թուականէն, առաջ (Օրմանեան, Ազգապատմ., էջ 1096-7), որով կրնար Աշոտի հետ հարսնանալու չափ չափահաս աղջիկ մը ունենալ:

Ուրիշ երկու իրողութիւններ ալ կան որ Խոսրովանոյչը երեւութապէս կը կապեն Արծրունեաց տան հետ: Մէկը սա է որ մեզի ծանօթ երեք որդիներէն երկուքը կը կրեն անուններ — Գագիկ և Գուրգէն — որոնք Բագրատունիներէն շատ առաջ Արծրունեաց գերդաստանին մէջ ընդհանրացած անուններ են. մանաւանդ որ Խոսրովանոյչի կրտսերազոյն որդին Գուրգէն Դեբեցիկ ալ կը կոչուէր, որ զինք աւելի ևս սերտօրէն

յարարերութեան մէջ կը դնէ Արծրունեաց տոհմին հետ: Երկրորդ երեւոյթը սա է որ Սանահինի և Հաղբատի յիշեալ քանդակներուն վրայ, ինչպէս նաև Անիի աւերակներուն մէջէն պեղուած Գագիկ Ա.ի արձանը, իրենց ձեռքերուն մէջ կը կրեն իւրաքանչիւրին անունով չինուած եկեղեցիներուն մէյմէկ մանրանկար կաղապարը: Եւ քանի որ այս երեք քանդակներն իրենց այդ յատկութեամբ յայտնապէս ընդօրինակութիւնը կամ հետեւողութիւնը կը կազմեն ասենօք Աղթամարայ մայր տաճարին մէջ գտնուող նմանօրինակ պատկերին Գագիկ Արծրունի թագաւորին*, այս պարագան իսկ կը հաստատէ մեր այն կարծիքը թէ Խոսրովանոյ թագուհին ծագումով հաւանօրէն Վասպուրականի կողմերէն էր:

Բայց միւս կողմէն շատ մը անյադթելի դժուարութիւններ կան այս ենթադրութեանս դէմ: Այդ դարու վերաբերեալ պատմիչներու զանազան յիշատակութիւնները համեմատելով, վերջապէս սա համոզման յանդած եմ որ հիւսիսային Հայաստանի Տաշերք (այժմ Լոռի)

*Նկարագրեալ է սեպուկագրելով և գիրկյակսն պատկերս որ վասն մեր զգեցաւ ևնարմին՝ երեւելով ևնարդ, և է ի կանարս արեւնսակսն խորակին, ևնսնսնսն անգրտութեանը յօրինեալ է ընդդէմ Փրկչին և գիտաւարդ պատկեր արեւային Գագիկայ, որ մեծապարծ հաւատով բարձեալ ունի զեկեղեցին ի վերայ բազկացն իբրև գասիտրն ոսկի ևնանայիւն, և իբրև գտնի մի ոսկի ևնուշահտութեանը յցեալ:» (Թովմաս Արծրունի, Պատմութիւն Տանն Արծրունեաց, սպ. Օրբագիւղ 1852, էջ 335): Ուշագրաւ և ոչ առանց նշանակութեան է սա պարագան ալ որ այս՝ անոյի վրայ շեմքի կարգապարզ կրեւո մոթիվը (motive) կը գտնուի Նիկուէի հին յիշատակարաններուն վրայ ալ:

գաւառին մէջ հաստատուած ճիւղ մը կար Արծրունիներէն կամ Անձաւացիներէն և թէ այդ գերդաստանին վերջին շառաւիղն ու ժառանգուհին էր Խոսրովանոյ, որուն հետ ամուսնացաւ Աշոտ Ողորմած: Լոռի կամ Տաշիրք մնաց իբրև անձնական կալուածը թագուհւոյն, և նա զայն յետոյ իբրև ժառանգութիւն փոխանցեց իր կրտսերագոյն որդւոյն Գուրգէնի, որ բուն Բագրատունեաց թագաւորութեան գահաժառանգ չպիտի ըլլար: Այս Գուրգէնը վերջէն (980 թուականին) Լոռի գաւառին իբրև ստորակարգ թագաւորը ճանչցուեցաւ և իրմէ սերեցան Լոռիի կամ Աղուանից Կիւրիկեան թագաւորները: (Տես «Լոռի և Կիւրիկեան Հայ Բագրատունի ցեղին Պատմութիւնը», Հ. Ղեւոնդ Մովսէսեան, Հանդիս Ամսօրեայ 1922):



ՉՈՒՇԱՆ ՏԻԿԻՆ ՊԱՆՈՒՆԻ*

ՇՈՒՇԱՆ, Շուշանիկ կամ Շուշիկ անունը մեր պատմութեան մէջ անուշ եւ խնկելի յիշատակ թողած անուններէն է: Մեծն Վարդան Մամիկոնեանի զուտ արքն էր Վարդենի Շուշանիկ, ամուսնացած Գուգարաց- Բղէշխ Վրացի Աշուշայի որդւոյն Վաղգէնի հետ, եւ իր հաւատույաց ամուսնոյն կողմէ իր հաւատքին համար անդթօրէն խոչտանդուած ու նահատակուած: Հայոց կրօնակից ու միեւնոյն քրիստոնէական քաղաքակերթութեան հաղորդ Աղուանից ազգն ունէր Շուշանիկ աշխարհատիկին մը, Վաչական Գ. բարեպաշտ ու մեծահոգակ թագաւորին կինը, որ բոլոր կրօնական, բարեսիրական ու կրթական ձեռնարկներուն մէջ անբաժան օժանդակ ու զօրավիգ էր իր թագապսակ ամուսնոյն: Ապա նշանաւոր Շուշիկ տիկին մըն ալ Միհրան տոնմէն Վարազ Գրիգոր իշխանապետին քոյրն է, Զ. դարուն գէպ ի վերջերն ապրած: Տօնելի հայ սրբունեաց կարգին մէջ դասելի էր Տիկին Շուշան, ուսեալ ու գրասէր իշխան Վահան կամսարականի զեղեցիկ ու զարգացեալ զուտը, իր գթասիրական գործերով համբաւաւոր, եւ 708 թուականին Դամասկոսի մէջ նահատակուած իր հաւատքին համար:

Ատոնց իւրաքանչիւրին վրայ մանրամասնօրէն պատմել կ'արժէր, մանաւանդ առաջինին ու չորրորդին

* Հեղինակին «Պատմական Հայ Կիներ» ընդարձակ աշխատութիւններէն Գ. Ծարֆ թիւ 10:

«Պատմական Արձագանգ»-ին մեջ հրատարակուած, (Բ. Հասոր, 1938, էջ 66) քիչ մը կրճատուած է:

վրայ: Անոնք իրենց դարերուն մէջ մինչեւ անգամ քաղաքական ասպարէզին վրայ նշանաւոր հանդիսանալով հանդերձ, պարտաճանաչ ու հաւատարիմ կողակիցներ եւ տիպար ու օրինակելի մայրեր էին: Բայց այս անգամ քանի մը խօսք միայն խօսիլ կ'ուզեմ Բագրատունեաց շրջանին մէջ ապրած ուրիշ Շուշան կամ Շուշիկ տիկինը մը վրայ, որ երկու հոգիաւոր հայ զօրապետներու մայր, Գրիգոր Մագիստրոս իշխանին հանին ու Ներսէս Շնորհալուոյ եւ Պահլաւունի միւս կաթողիկոսներուն նախամայրն է եղած:

Արդէն իր անունը յիշած եմ Սոսրովանոյ թագուհւոյն մասին գրած տողերու մէջ: Իր վրայով մեր տեղեկութեան զխաւոր աղբիւրն է նոյն ինքն Գրիգոր Մագիստրոսի թողած նամակները: Շուշիկ Տիկին կամ Շուշան ամուսնացած էր Պահլաւունեաց տոնմէն Գրիգոր Համգէ իշխանին հետ*, աստուածապաշտ, ա-

* Հայր Վ. Հացունի (Կասխարակոսիւնը Հին Հայոց Քով, էջ 158-159) այս Գրիգոր Համգէն կը նշանակէ Թովմա Արծրունոյ յիշած ուրիշ մեկ Գրիգոր Ապուհաւազայի հետ, որու մասին Արծրունի պատմիչը հետեւեալ դրուատակից տղերը կը գրէ. «Ոգեգուարն իմաստբեամբ առլցուն, հայկականացս մեջ հոյակապ եւ անուանի, ու լսողներուն ցանկալի, որ իմաստբեան գիտեան եւ բոլոր ուրիշ բաներուն մեջ իր նախնիները կը գերազանցէ»: Բայց հարկաւ պիտի տեսնուի մեր մեծագուշտ, որովհետեւ այդ Գրիգոր Ապուհաւազան Վասպուրականցի իշխան մըն էր՝ Վասակայ որդին, Ժ. դարու սկիզբները ապրած եւ Արծրունեաց Գագիկ Ա. բագաւորին աներն եղած (Պատմ. Տանն Արծրունեաց, Տպ. Օրբազիւղ 1852, էջ 248, 312, 313): Միևնորեւ Շուշիկ Տիկնոյ անուսինը որդին էր Պահլաւունի տոնմէն Արսակի, եւ այդ դարուն կեսն ետք կ'ապրէր: Այսու ա-

ուսքինի, ողորմած, եկեղեցաչէն ու վանաչէն անձ մը, որ արգիւնալից գործերովը նշանաւոր եղաւ Աշոտ Ողորմածի օրերուն, բարձր պաշտօններու անցաւ եւ իր տոհմը պայծառացուց: Բայց դժբախտաբար չենք գիտեր թէ ծագումով ո՞ր գերդաստանէն էր Շուշիկ Տիկինը*:

Պահլաւունի գերդաստանին բուն բնակավայրն ու կայունածն էր Բջնի Բերդաւանը՝ էջմիածնի դէպ ի արեւելեան կողմը; Հրազդան գետին վրայ՝ բայց Անիի մայրաքաղաք ըլլալէն յետոյ, հոն ալ ունեցան ոչ միայն ապարանք, այլև Ապուղամբենց Ս. Գրիգոր անուն փոքրիկ ու գեղեցիկ եկեղեցին, որ տակաւին մեծաւ մասամբ կանգուն կը կենար Լինչի այցելութեան ժամանակ եւ հայ ճարտարապետութեան գոհարներէն կը համարուի: Ըստ Լինչի դատումին «Ս. Գրիգորի մասուռը հրաչագեղ փոքր յիշատակարան մըն է, որ Մայր-եկեղեցիին նման, բիւզանդական եւ գոթական

մեկնային, անկարելի չի որ երկուքը շատ մօտ սզգականութիւն ունենային, այսինքն թերեւս Գրիգոր Հակոբի մայրը Գրիգոր Ապուղամբեցի դուստրն էր:

* Տեսակէթի Աշոտ Ողորմածի որդիները Սեբաս, Գագիկ եւ Գուրգեն, եոյր մըն ալ ունեին (Հանդ. Ամս. 1922, էջ 105): Արդեօք արտառոց է խորհիլ թէ Գրիգոր Հակոբի Պահլաւունի իշխանին ժողովը Շուշան կամ Շուշիկ ինքն իսկ էր այդ տոհմը: Տարիքը հսկայապէս չի գար, քանի որ Շուշան Տիկինը ծնած է շուրջ 952 թուականին: Միւս կողմէ իր անուանոյն մահէն յետոյ՝ իրեն «Տիկնանց Տիկին» տեսչութիւն յասկացուիլն ալ այս կարծիքին ի դեպ կու գայ, քանի որ արքայադստեր մը հասար այդպիսի զերազանց տեսչութիւն մը անյարմար պիտի չըլլար:

ոճի տարրերուն մէկ խառնուրդը եղած է» (Լինչ, Հայաստան, Ա. հատոր էջ 346):

Գրիգոր Համզէ Պահլաւունին եւ իր ամուսինը Շուշան ոչ միայն բարեպաշտ ու բարեգործ, այլ նաև ուսուցիչ ու զարգացած անձեր էին, եւ դարուն հայ սերունդին դաստիարակութեանը մէջ գործնականապէս բաժին ունեցան: Մագիստրոս իր պապուն եւ հանիին պէսպէս գեղեցիկ գործերուն կարգին սա ալ կը թուէ թէ անոնք սովորութիւն ունէին իրենց ապարանքին մէջ մանուկներ ժողովել եւ ուսուցանել, ու որբեր սընուցանել: Առանձնական դպրոց մըն էր անոնց այս իրենց տան մէջ պահած վարժարանը, եւ կ'երեւի թէ բոլորովին աղքատ ու ճրիմավարժ աշակերտներէ բաղկացած է: «Ո՞րքան շինիչ է,» կ'ըսէ Հայր Վ. Հացուանի, «տեսնել այն ազնուական ամուսին չըջապատուած մանուկներէ եւ ուսուցանել անոնց կարգալ ու դրել, մոռնալով աշխարհական փառքն ու զբօսանքը»: Գրեթէ բախտաբար Գրիգոր իշխանը 982 թուականին դեռ քառասնամեայ կը վախճանի՝ այրի թողով՝ երեսնամեայ Շուշան կամ Շուշիկ տիկինը եւ չորս որբ, զաւակներ, Վասակ, Վահրամ եւ Տիգրան Այլղարիպ անուն, եւ չորրորդ մըն ալ, Գրիգոր Համզէ, որ կ'երեւի թէ հօրը մեռնելէն վերջը ծնած է եւ իր վաղամեակի հօրը անուանովը մկրտուած է: Գրիգոր եւ Շուշան ունեցած էին աղջիկ մըն ալ՝ Սեդա անուն, որ 5-6 տարեկանին մեռած է չուրջ 980 թուականին եւ իր զմոռուած մարմինը կամ մոմիան գտնուած է մօտերս*:

* Տես Հանդ. Ամս. 1923 Մայիս-Յունիս էջ 281, Մասեկագիտական: Կ. Յ. Բուսեղեան, «Հայ Իշխանութիւն մը Մոմիան», Հայ Կիւն (Կ. Պոլիս) Գ. Տարի, 1922, թիւ 20, էջ 1986-1987: Ասպարեկ Ժ. Տարի, 1923,

զարմանալի է որ այդ թուականներուն Հայաստանի ժողովուրդին մէջ մեռելներ դմուսելու արուեստը գիւցողներ կային, ինչ որ հին հայ բժշկութեան ու գեղագործութեան մասին փայլուն վկայական մըն է: Միւս կողմէ ալ այս մտմիան, զոր ընելու համար հարկաւ այնչափ մեծ ծախք պէտք էր, չօչափելի ապացոյց մըն է՝ թէ՛ Գրիգորի եւ Շուշանի մեծահարուստ ըլլալուն եւ թէ՛ իրենց այս միակ դասեր հանդէպ յատուկ սիրոյն:

Շուշան կամ Շուշիկ, որ յետ այսու «Տիկնանց Տիկին» պատուանունով յորջորջուած է միշտ, հրաժարեցաւ բոլորովին աշխարհային կեանքէ, այսինքն՝ կ'երեւի թէ կրկին ամուսնութեան համար եղած առաջարկները մերժեց եւ իր տան մէջ առանձնացած կ'ապրէր իբրեւ կրօնաւորուհի մը սեւազգեաց, ինքզինք նուիրելով այնուհետեւ ուրիշներու որբերուն հետ իր իսկ որբ մնացած մանուկներուն դաստիարակութեան: Իր կրթական ջանքերուն աստիճանը կրնանք գնահատել իր զուակներուն ապագայ կեանքին վրայ երեւցած արդիւնքէն: Անդրանիկը՝ Վասակ Պահլավունի, Հայոց սպարապետն էր Գագիկ Ա. Տիեզերակայ եւ Յովհաննէս Սմբատ թագաւորներուն օրով, եւ 1021ին նետողաց ազգին առաջին արշաւանքին յաջողապէս զիմադրելէ յետոյ, երբ Սերկելի լուսնուն բլուրի մը վրայ առանձնացած կ'աղօթէր, դաւաճանի մը ձեռքով նահատակուեցաւ:

քիւ 924. — Տիգրան Ապղարիայի մեկ արձանագրութիւնն ալ կը յիշե իր այս վաղաւետիկ Սեղա փոյրը, որ կը բռնի քե աւագանի ակունով Հռիփսիմէ ալ կը կոչուէր: (Տես Լիւնցի Հայաստան, քարգւ. Լ. Լարեցի, Ա. հասոռ, էջ 347ի ծանօտութիւնը քարգանակի կողմէ):

Սպարապետութեան մէջ անոր յաջորդեց իր եղբայրը՝ Քաջն Վահրամ, միանգամայն նուրբ քաղաքագէտ, որուն թելադրութեանց իցի՛ւ թէ մինչեւ վերջ հետեւած ըլլար Գագիկ Բ. երիտասարդ ու թշուառ թագաւորը: Վահրամ սպարապետն Անիի վաճառումէն յետոյ ալ իր պաշտօնին վրայ մնալով, 77 տարեկան ծերունի, հայրենիքի պաշտպանութեան համար զոհուեցաւ 1045 թուականին: Վասակ սպարապետի որդին էր նախաջիշեալ Գրիգոր Մագիստրոս, որ իր Վահրամ հօրեղբայրը կ'անուանէ քաջահանձար եւ ուշեղ, իմաստաւն ու խոհեմ. եւ անոր գրչէն ելած գեղեցիկ հօգեւոր զրութիւններուն համար ալ կ'ըսէ թէ մարգարէական մատաններու չափ նուիրական համարելով կը համբուրէին ամէնքը: Այս Վահրամ սպարապետն է շինողը Մարմաշէնի հօշակաւոր տաճարին, արդի Ալեքիսականի հարաւ արեւմտեան կողմը, հայ ճարտարապետութեան ուրիշ հրաշակերտ մը՝ 986ին կառուցուած:

Այսպէս, Շուշիկ տիկնոջ հայրենասէր ու հայրենաչէն որդիները սուրին հետ գրիչն ալ գործածելու վարպետ էին, նաեւ բարեպաշտութեան մէջ անուանի: Իրենց մօր խնամքն ու աղօթքները պարապի գացած չէին: Վերջացնելէ առաջ սա ալ աւելցնենք թէ մեծահարուստ Շուշիկ Տիկնանց Տիկինը, ինչպէս ուրիշ առթիւ յիշեցինք, արժանաւոր գործակից մը եղած է Առարկովանոյ թագուհւոյն՝ իր ծախքովը զարմանատուն եւ բժշկական դասընթացք մը հաստատելով Աջոտ Աղորմածի տիկնոջ հիմնած Սանահինի գպարվանքին մէջ, զոր Շուշիկի թոռը՝ Գրիգոր Մագիստրոս ձեմաբան կ'անուանէ, ինքն ալ հոն անդամադննութեան դասեր աւանդած ըլլալով: Ապուղամբենց Ս. Գրիգորի մատուռին շինողը պիտի ըլլայ նոյն ինքն Շուշան

Տիկինը, հարկաւ 982ին իր ամուսնոյն մահէն յետոյ, բայց թերեւս 986էն առաջ: Որովհետեւ չէնքին պատերուն վրայ գտնուած են արձանագրութիւնները ոչ միայն իր որդւոց՝ Վահրամ Ապարապետին եւ Տիգրան Ապրզարիպ մարզպանին, այլեւ իրեն իսկ, Տիկին Շուշանի, որ կարգ մը եկամուտներ կը նւիրէ այս եկեղեցիին, եւ փոխարէն մատուցուելիք պատարագներուն թիւը կը նշանակէ: Հիւնիսային պատին վրայ տասնեւչորս տողոց երկար արձանագրութիւն մը մեզի կ'իմացնէ թէ հայկական ՆԶԹ թուին, որ է Յ. Տ. 1040ին, Շուշան տիկնոջ որդին՝ Տիգրան Ապրզարիպ, որ այն ատեն Հայաստանի մարզպանն էր, նորոգութիւններ եւ յաւելուածներ կատարած է չէնքին վերայ: Յայտնի է թէ մատուցը ծառայած է իբր դաւբարան Գրիգոր Համզէ իշխանին եւ իր ընտանիքին, որովհետեւ Ապրզարիպ հոն յանուանէ կը յիշէ թէ պատարագ պէտք է մատուցուի իր հօրը Գրիգորի, մօրը Շուշանի, եղբորը Գրիգոր Համզէի եւ քրոջը Հրափսիմէ Սեղայի հողոց ի հանցիստ, որմէ բնականաբար կը հետեւի թէ յիշեալ չորս անձերն ալ հոն թաղուած են: Լինչ կը խորհի թէ չէնքին վրայ այս յաւելուածներն ու նորոգութիւնները կատարուեցան Շուշան տիկնոջ մահուան ու թաղման առթիով իսկ. եւ թէ այսպէս հաստատ թուական մը ձեռք կը ձեռնարկէ: Եթէ Շուշան տիկնոջ մահը պատահած է 1040 թուականին, ծնունդը եղած ըլլալով 952ին, ուրեմն 88 տարեկան էր մեռած ատենը: (Շուշան տիկնոջ եւ Ապրզարիպին սոսմին եկեղեցիին համար՝ տես Լինչի Հայաստան, թարգ. Լեւոն Լարենցի, Կ. Պոլիս 1913, Ա. հատոր, էջեր 344-350, իսկ պակեքեքեքուն համար՝ էջ 327, 329, 336):*

Ահա մեծագործ տիկին մը, որ սակայն իր սիրա-

տուն զուականերն ալ անտեսած չէ, հապա զանոնք լաւագոյն կերպով կրթել ու դաստիարակել զիտցող մայր մը եղած է: Ահա երեսուն տարեկանին հինգ պղտիկներով այրի մնացած տիկին մը, որ բախտէն կրած անաւոր հարուածին տակ ընկճուելու տեղ, քաջութիւնն ունեցած է ազգին ու հայրենիքին պաշտպան կանգնելու համար կարող որդիներ հասցնելու: Ի՞նչ խելք, ի՞նչ կամքի ոյժ եւ զործնական բարեպաշտութիւն ունեցած ըլլալու է: Երանի՛ քեզ, Շուշիկ տիկին: Օրհնեալ է քու յիշատակդ, ո՛վ խնկելի՞ մայր:

* «Տիկնանց Տիկին Շուշիկ», Տսփ. Վանրաւ Քորգոնեան, Տսփի սարեգիրք (հրատ. Արսաւազ Արֆես-Ախրեհեանի), Հայկայ Ե. սարի (1929), էջ 35-38, աղբիւրները հջերուն ակի ծանօտութիւններով նշանակուած:

Մ. ԳՐԻԳՈՐ ՆԱՐԵԿԱՅԻ ԵՒ ԻՐ ԱՂՕԹԱՄԱՏԵԱՆԸ

Ա.

ՆԱՐԵԿ գիւղ մըն էր վանայ ծովակին հարաւու-
 ցողմը, Ռշտունեաց գաւառին մէջ: Գիւղին ետեւը
 գալարուտ բլրակի մը հովանիին տակ կը բարձրանար
 Ս. Սանդուխտի անուանով մենաստան մը, հիմնուած Յ.
 Տ. 930ի առեկները: Մենաստանը հազիւ 6 քիլոմէթր
 հեռու էր լիճին եզերքէն, բայց ծովակին աեսարանը
 փակուած էր վանքէն՝ երկուքին մէջտեղ կանգնած
 բարձրութիւնով մը: Սակայն եթէ վանքին միաբան-
 ներէն ունէ մէկը յանձն առնէր կէս ժամու վերելքի
 մը յոգնութիւնը, ահա իր առջեւ կը տարածուէր
 ծովակն իր ամբողջ կապոյտ տարածութեամբը, Աղ-
 թամար, Առաէր եւ ուրիշ կղզեակներովը, եւ չըջա-
 պատող Սիփան նիւրուտ, վարաք եւ այլ լեռներով,
 որոնք բոլորը կը կաղմեն հիանալի բանաստեղծա-
 կան համայնատեսիլ մը որուն նմանը հազիւ թէ գըտ-
 նուի աշխարհի ուրիշ մէկ կողմը:

Վանքը հիմնողն ու միանգամայն անոր վանահայրն
 էր Անանիա վարդապետ, իր ժամանակի ամենէն զար-
 քացած կղերականներէն մէկը, «հոգեզարդ եւ մտա-
 վարժ փիլիսոփայ եւ ըստ վարուց մաքրութեան կը-
 րօնից», ինչպէս ժամանակակից պատմիչ մը կը վկայէ:
 Նա իր վանքը չուտով փայլեցուց եւ ըրաւ գարու ա-
 մենէն յառաջադէմ ու նշանաւոր վանքերէն մէկն իբրև

ուսումնավայր, «բաղմազարդ պաշտօնապայծառ երզն-
 ցողներով եւ ուսումնասէր վարդապետներով», որոնց
 հռչակը տարածուեցաւ Հայաստանի ամէն կողմը: Ա-
 սոնք ճգնական կեանքը միացուցած էին գիտական
 ու կրթական կեանքի հետ: Հոս սնաւ ու գաստիա-
 րակուեցաւ ԳՐԻԳՈՐ, որ այդ իսկ պատճառաւ կոչուե-
 ցաւ ՆԱՐԵԿԱՅԻ, եւ որուն գրած նշանաւոր աղօթա-
 գիրքն ալ վանքին անուանով ծանօթ է իրբեւ ՆԱՐԵԿ:

Իր ծնողաց երեք որդիներուն կրտսերագոյնն էր
 Գրիգոր, ծնած ըլլալով 951 թուականին: Մայրերնին
 շատ կանուխէն վախճանած էր: Իսկ իրենց հայրը՝
 Խոսրով, ծագումով ազնուական դասակարգէ, յառաջա-
 ցած էր եկեղեցական նուիրապետութեան մէջ, կար-
 գըւելով եպիսկոպոս վասպուրականի Անձեւացեաց երկ-
 րին, որ այդ միջոցին անջատ փոքր թագաւորութիւն
 մը կը կազմէր: Խոսրով Անձեւացին իր երեք որդի-
 ներէն երիցագոյն Սահակը պահեց իր քովը, որ կ'ը-
 րեւի թէ վերջէն ամուսնացաւ ալ եւ որ ընդօրինա-
 կողն էր եղած իր հօրը երկասիրութեանց: Խոսրով
 իր միւս որդիները, Յովհաննէս եւ Գրիգոր, կանուխէն
 յանձնեց Նարեկայ վանքին առաջնորդ Անանիային, որ
 այս սղոց վաղամետիկ մօրը հօրեղբայրն էր: Ասոնք
 տան մէջ իրենց հօր խնամքին տակ արդէն հիմնական
 գաստիարակութիւն մը առած էին, իսկ վանքին մէջ
 ալ իրենց ազգական Անանիա վանահօր հոգածու եւ
 խստապահանջ կրթութեան ներքեւ զարգացան ու յա-
 ռաջդիմեցին սքանչելի կերպով: Երկու ուսումնակից
 եղբայրներէն մէկը յետոյ Անանիային յաջորդեց իը-
 րեւ Նարեկայ Ուխտին վանահայրը: Իսկ Գրիգոր մին-
 չեւ իր մահը ուսուցիչ վարդապետ մնաց միւսնոյն վան-
 քին մէջ: Եւ հոս կը գտնենք Գրիգոր Նարեկացւոյն
 ճշմարիտ եւ անկեղծ խոնարհութեան մէկ ապացոյցը,

որ առաջնակարգ կարողութիւններ ունենալով հանդերձ կամեցաւ երկրորդական զիրքի մը մէջ մնալ մինչև վերջը: Երկու սուրբերուն, Գրիգոր Նարեկացւոյ եւ Ներսէս Շնորհալուոյ կենցաղին մէջ հանգիստութեան այս զիծը շատ ուշագրաւ է:

Սոսրով, Անձեւացեաց եպիսկոպոսը, իր ժամանակցաց կողմէն «Մեծ» մականուանեալ, ուսումնական լայն պատրաստութիւն ունենալով, Ժ. դարու կիսուն արդէն համբաւեալ էր իբրև գիտնական անձնաւորութիւն, ու նաեւ եկեղեցական նշանաւոր մատենագիր մը հանգիստացաւ: Սոսրովի գլխաւոր երկասիրութիւններն են Մեկնութիւն Ժամակարգութեան եւ Մեկնութիւն Պատարագի: Երկրորդը թէև համատար գործ մըն է, համեմատական ալ արժէքով մը, սակայն առաջինը բաւական ընդարձակ աշխատութիւն մըն է, խիստ արժէքաւոր եւ պարզ ու ընտիր ոճով յատկապէս ժողովուրդին համար գրուած:

Բարձրագոյն ձիրքերու տէր անձնաւորութիւն մըն էր նաեւ Անանիա վարդապետը, որուն աշակերտեցաւ Գրիգոր պատանին իր Յովհաննէս եղբորը հետ, Նարեկայ վանքին մէջ: Պատմիչներ զանի կը կոչեն հրոտետր եւ պուեսիկոս, այլ անուանի եւ գիտնական: Անանիա Նարեկացին կարեւոր մատենագիր մըն ալ էր. սակայն իր գրչէն ելած գործերէն ոմանք կորսուած են, եւ իր մեկնողական գրուածքներէն մի քանին ալ (Մեկնութիւն Առաքելական Թղթոց, Համեմատութիւն Աւետարանաց, եւն.) յաջորդ դարուն մէջ ապրող համանուն վարդապետի մը վերագրուած են: Իր ամենէն կարեւոր երկասիրութիւնը, Հաւատարմաց գիրքը, որ վարդապետական նիւթերու շուրջ յօդինուած դասական գործ մըն է՝ ընդդէմ Երկարնակաց, տասկաւին անտիպ կը մնայ: Իսկ Շողակաթի վրայ շա-

րադրած ներբողական ձառը չէ այնչափ արժէքաւոր, ու միայն մասնաւոր նշանակութեան արժանի է անով որ իր ձեռնասունին, Գրիգորի ոճին ու լեզուին վրայ բանեցուցած ազդեցութիւնը կրնանք անկէ հաստատել: Արդարեւ Անանիայի մտաւոր ու գրական ազդեցութիւնը կարելի է խորապէս զրոյժուած տեսնել իր հանձարեղ աշակերտին վրայ:

Գրիգոր իրեն աշակերտակից եղած իր եղբորը՝ Յովհաննէսի համար կը վկայէ թէ նա գիտնական մը եւ հանձարեղ իմաստասէր մըն էր: Հարկաւ այս մակագիրները ա՛լ աւելի կը պատշաճին իր իսկ անձին: Ինքը, ինչպէս Աղօթամատեանին համար գրած իր Յիշատակարանէն կ'երևի, ուսանողութեան շրջանին եւ անկէ ետքն ալ յամառ ու անյադ ընթերցասէր մը եղած է եւ հմտացած՝ ժամանակի հայ մատենագրութեան ծանօթ բոլոր ինքնագիր եւ թարգմանածոյ արտագրութիւններուն: «Երկարողի եւ ուշագիր վերլուծում մը», կ'ըսէ Թորգոմ Արքեպ. Գուշակեան, «յաջողութեամբ պիտի դուրս բերէր անոր գրականութեան մէջէն՝ իր ժամանակի իմաստասիրական ուսուցման բոլոր տարրերը. քերթողականն ու հոտորութիւնը, քերականութիւնն ու բառարանը, գիտութիւնն ու բարոյականը, մեկնողականն ու տրամասացութիւնը, զաւանթարանութիւնն ու մինչև անգամ ֆօլքլօրը» (Առխարհաբար Նարեկ, Յառաջաբան էջ Թ): Մ. Յ. Անանիկեան ալ կ'ըսէ. «Նարեկացին իբրև կրօնական իր ժամանակին շողչողուն լոյսն էր: Հայերէն լաւ գիտէր եւ թերեւս նաեւ Ասորերէն եւ Յունարէն: Իր ազգային գրականութիւնը իրեն համար գաղտնիք մը չունէր եւ հաւանօրէն ծանօթ էր մէկ երկու օտար գրականութեանց ալ» (Քննական Ուսումնասիրութիւններ, էջ 132):

Բայց Գրիգոր միմիայն խուցի մը մէջ փակուած զիրք սերտող մարդ չէր, այլ նաեւ ուսումնասիրող մը արտաքին բնական աշխարհի: Նա ունէր զիտելու վարժուած սուր աչք, տպաւորութիւններ կրելու պատրաստ զգայուն միտք եւ սիրտ, բնութեան գեղեցկութիւնները վայելելու առակ հողի մը: Կ'երեւի թէ յաճախ պտոյտի Կ'ելէր վանքին ետեւը բարձրացող եւ դայն Աղթամարայ ծովակէն զատող սարին զագած թը եւ անկէ կը զիտէր իր աչքերուն առջեւ տարածուող զիւթիչ տեսարանը: Այդ պահերուն երբեմն խորհրդաւոր անսխիւքներ ալ կ'ունենար: Նա անտարբեր չէր նաեւ մարդկային կեանքի իրադարձութիւններուն: Վանայ ծովուն յանկարծահաս փոթորիկներէն խորտակուող առագաստանաւին ողորմելի վիճակը զիտած ու նկարագրած է մասնագէտի ճարտարութեամբ, եւ նաւաբեկեալ նաւորդներու կացութիւնը՝ կարեկից հողիով մը. եւ անկէ ինչ գեղեցիկ հանդիսութիւններ հանել զիտէ իր հողիին ներքին ալեկոծութիւնները նկարագրելու: Տիեզերքն իր առջեւը բաց, անհուն ու պատկերազարդ զիրք մըն է՝ միտքը լուսաւորելու, սիրտը կրթելու, ներշնչումներ հաղորդելու եւ հաղար ու մէկ բարոյական առակ ու օրինակ թելադրելու: Գրիգոր Նարեկացին բազմակողմանի եւ լայն հայեացքով ուսումնական մըն էր:

Գրիգոր Նարեկացին կարող ուսուցիչ մըն էր նաև. նա մինչեւ իր մահը շարունակելով այդ պաշտօնն իր պատկանած վանքին մէջ, կրթական գեանին վրայ մեծ արդիւնաւորութիւն ցուցուց: Զայս արդէն կըրնանք բացորոշ տեսնել Նարեկ Աղթամա տեանին կըցած իր Յիշատակարանէն, ուր հասկնալի համեստութեամբ մը ինքզինքը «յետին վարժապետաց եւ կըրտասեր բանասիրաց» կ'որակէ: «Ներեակ դպրութեանց

(trivium) եւ Քառեակ գիտութեանց (quadrivium) բոլոր ուսումները ոչ միայն ուսու, այլ նաև ուսուց իր վանական զպրոցին մէջ», կ'ըսէ Թորգոմ Արքեպ. (Յիւ. սեղ. էջ Ժ.): Օրմանեան կ'ըսէ. «977 թուակառնին, 26 տարեկան Գրիգորն արդէն քահանայ ձեռնադրուած էր եւ գիտութեան ու իմաստութեան հռչակ հանած. Նարեկի վանքին մէջ աշակերտաց ուսուցիչ եւ զրական աշխատութիւններով զբաղող մը եղած ըլլալը կը յայտնուի»: (Ազգապատմ., էջ 1180): «Ասկէ զատ», կ'ըսէ Անանիկեան, «պէտք չէ մոռնալ որ Նարեկացին իր ժամանակներուն մէջ՝ շատ համբաւաւոր ուսուցիչ մըն էր, որու աշակերտելու համար բազմաթիւ երիտասարդներ Հայաստանի ամէն կողմէն զէպ ի Նարեկ կ'ուղևորէին»: (Քննական Ուսումն., էջ 126): Սա ալ կրնանք աւելցնել թէ իր զրած Աղթամարքը ոչ միայն բարեպաշտական վարժութեանց համար, այլ նաև իրրեւ պատանեաց ընթերցանութեան դասադիւրս մինչեւ ԺԹ. դարուն ութսունական թուականները կը զործածուէր զաւստական հայ զպրոցներուն մէջ:

Գրիգոր Նարեկացին ամէն բանէն աւելի բանասէլծ մըն էր՝ խորհրդապաշտ խառնուածքով: Ասիկա կ'ընդունին Նարեկացւոյ վրայ խօսող ամէն հեղինակ առանց բացառութեան: Թորգոմ Արքեպ., Արշակ Զօպանեան, եւ զեռ ուրիշներ Նարեկացին կը համարեն մեր ամենամեծ բանաստեղծը: Իր իրրեւ շտանաւոր գրած տաղերէն զատ, արձակ գործերուն, իր դանձարուն, բայց մանաւանդ հանրածանօթ Աղթամարքին մէջ ալ յայտնապէս չափարբեալ բազմաթիւ մասեր կան: «Ամէն Նարեկ կարգացող կը զգայ թէ Նարեկի մէջ չափական տողերու չինուածքի մը զրոշմը կայ. հանրածանօթ Ընկալ Քաղցրութեամբ աղօթքը մեծ մասին մէջ հայկական չափի չինուածքը ունի. զիրքին»

չառ էջերը ձոխ ու շոպլ բառերու (եւ) նախադասու-
թեանց կշռաւոր խօսքերով լեցուն են և նամանաւանդ
հօրովներու վերջաւորութիւնները յառաջ բերած են ան-
սակ մը ընդհանուր դաշնակաւորութիւն, երգի դաշ-
նակաւորութիւնը. կը գիտուի որ շառ էջեր ալ ին-
քը ոտանաւոր գրած է» : (ՍԻՈՆ, 1933, էջ 385) : Բայց
ոչ միայն արտաքին կառուցուածքի կողմանէ, այլ մա-
նաւանդ ներքին հոգեբանական յատկութիւններով նա-
րեկ Աղօթամատեանը ծայրէ ի ծայր ամենաբարձր տե-
սակէ բանաստեղծութիւն է, որով իրրեւ մատենագիր՝
Գրիգոր Նարեկացոյ խառնուածքին ամենէն տիրական
գիծը բանաստեղծութիւնն է : Աղօթամատեանէն գուրս
իբ գրած երկերուն, մասնաւորապէս տաղերուն մէջ,
Չօպանեանի, Գարեգին Արքեպ. Խաչատուրեանի, Ա-
նանիկեանի պէս կարող քննադատներ կը տեսնեն մեր
գողթան երգիչներու հեթանոսական բանաստեղծութեան
նման յատկութիւն մը, թէեւ սրբազան նիւթերու
համար կիրարկուած եւ շառ պարկեշտ ու փափուկ
արտայայտութիւններով :

Մատենագրութեան տեսակէտէն Նարեկացին կըը-
նայ նկատուիլ իբր հայութեան տիպար եւ ամենէն
ինքնատիպ հանձարը : Ունի արդարեւ մեկնաբանական
շառ նշանաւոր գրութիւն մը — Մեկնութիւն Երգ Եր-
գոցի — զոր գրած է 26 տարեկան երիտասարդ հա-
սակին, Անձեւացեաց Գուրգէն թագաւորին խնդրան-
քանքովը. պարզ ու զիւրիմաց գործ մը՝ իր տեսա-
կին մէջ եղական : Իբրեւ վարդապետական երկասի-
րութիւններ ունի բազմաթիւ ներբողական ձուեր,
ինչպէս՝ Ներբող Ս. Ասուածածնի, Գովես Առաւելոց,
Ներբող Խաչի, որուն կցուած է Ապարանից Խաչիկ
Պատմութիւնը, Գովես ի Ս. Յակոբ Մժբնայ Հայրապետ,
եւ այլն : Կայ նաեւ իրեն վերագրուած նշանաւոր

Թուրք մը առ վանահայրն Կճաւի, «ընդդէմ Թոնդրա-
կեցեոց աղանդին», բայց Խաչատուրեան եպիսկոպոսի
կարծիքով հաւանորէն կեղծ է այս գրուածքը : Ասոնց-
մէ զառ Նարեկացոյ գրիչէն արտադրուած կան զան-
ձեւ, մեղեդիներ, սալեր, բարբն ալ բանաստեղծական
բարձր աւիւնով յղացուած, և եկեղեցական սօներու
յատուկ : Իր տաղերը, որոնք ժողովրդական լեզուի և
արաբ տաղաչափական արուեստի ազդեցութեանց տակ
յօրինուած են, ամենալաւ կերպով կը ցոյցնեն բա-
նաստեղծին զեղեցկազիտական հանձարը :

Բայց Նարեկացին կ'ապրի հայ ժողովուրդին գի-
տակցութեան մէջ իր «Նարեկ» անունով ծանօթ և հե-
ղինակին իսկ կողմէն ՈՂԲԵՐԳՈՒԹՅԻՆ խորագրուած
Աղօթագիրքովը, որ առանց վէճի իր գլուխ—գործոցն
է և որով միշտ պիտի գրաւէ բարձրագոյն տեղը հայ-
կական դպրութեանց մէջ : «Ի խորոց սրտի խօսք ընդ
Աստուծոյ» վերնագրով այդ 95 թիւ աղօթաչարքը ար-
տաղերու կարողութիւն ունեցող հանձար մը շատ հա-
զուագիւտ է աշխարհի վրայ : «Եթէ Նարեկացին աշ-
խարհական գրիչ մ'ըլլար», կ'ըսէ իրագեկ հեղինակ մը,
«այսօր իր արժանաւոր տեղը պիտի գրաւէր համաշ-
խարհային հանձարներու կաճառին մէջ՝ Տանթէի,
Միլտոնի և նմանեաց քով» : Թէեւ Նարեկացին իր այս
աղօթքներուն մէջ երբեմն այնպիսի ճախրանք մը
կ'առնէ որ զժուար է իրեն հետեւիլ առանց մասնաւոր
բապէս երեւակայութիւննիս լարելու, և հակառակ իր
մանուածապատ լեզուի խրթնութեան, բայց և այնպէս
սքանչելի զեղեցկութիւն մը և ոճի հրապուրիչ քաղց-
րութիւն մը կը տիրէ հոն ծայրէ ծայր : «Գրիգոր Նա-
րեկացին», կ'ըսէ Հայնրիխ Գեյցեր, հայագէտ գերմա-
նացին, «խորիմաստ է, լի ողբերութեամբ կրօնի,
ճշմարտութեան ու բարոյախօսութեան, և լի քնարաւ

կան աւիւնով» (Համառոտ Պատմ. Հայոց, էջ 31) :

Բոլոր բանասէրք կը միաբանին յայսմ թէ Գրիգոր Նարեկացւոյ ներշնչման գլխաւոր աղբիւրն էր Աստուածաշունչը, այսինքն՝ Հին և Նոր Կտակարաններէ բաղկացեալ Սբ. Գիրքը : «Բայց բուն ներշնչարանը մնաց միշտ Աստուածաշունչը, որուն կենդանի համաբարբառն էր իր յիշողութիւնը : Անկէց ըրած մէջբերումները, որոնք հոյ ի հոյ կ'առիջեն իր բոլոր էջերը, կը ցուցնեն թէ անոր ուսումն ու վերծանութիւնը ի'նչ խոր յարումով գրաւած են իր հոգին :» (Գուշակեան, էջ Ժ) : «Իսկ իր գիտութեան, միանգամայն և ներշնչումի գըլխաւոր աղբիւրը՝ զոր կարելի է ըսել թէ սպառած է իր յիշողութիւնը, Աստուածաշունչն է եղած : Մասնաւորապէս մարգարէները՝ իրենց հրեղէն լեզուն և սաղմոսները իրենց քնարական շունչը տուած են անոր : (Պաշատուրեան, էջ ԻԵ—ԻԶ) :

Նարեկացւոյն կրօնական համոզումները հիմնականապէս կը նոյնանան իր պատկանած Հայաստ. եկեղեցւոյ դաւանութիւններուն հետ, ինչպէս կարելի է տեսնել եկեղեցւոյ վրայ գրած իր ներբողի խօսքէն (Նարեկ, Բան Հե. 9—15) և մանաւանդ Նիկիոյ հանգանակին վրայ հիւսած յարասութիւններէն (Բան 1Գ. և Հե.) որոնք աստուածաբանական նրբութեամբ խորհուած ու միանգամայն բանաստեղծական խանդով արտայայտուած՝ որոշակի կը ցոյցանեն իր անձնական համոզումները : Նարեկացին, իր ազգային եկեղեցւոյն կատարելապէս հաւատարիմ ըլլալով հանդերձ, զերծ էր նեղմիտ մոլեռանդութենէ, ունէր օրինակելի լայնամտութիւն մը : Ոմանք հինէն ի վեր Նարեկացւոյ բացատրութիւններուն մէջ քիչ մը Արեւմուտքի եկեղեցիներուն մօտենալու միտում գիտած են, որ անշուշտ իր քրիստոնէական լայնամտութեան արդիւնք էր և կը

յառաջագայէր ուղղակի Սբ. Գրքի ընթերցանութեան մէջ այնչափ խորացած և Յիսուսի Աւետարանին մէջ յայտնուող սիրոյ և համերաշխութեան սկզբունքներուն դործնականապէս յարած ըլլալէն : «Անոնք որ ազբերակէն միայն կ'ըմպեն», կ'ըսէ Գուշակեան, «չեն կրնար ուրիշ միջոցներէ ախորժիլ : Անոր համար է որ դաւանաբանական հարցերը տեղ չեն գտներ իր նախասիրութեանց պարունակին մէջ. իրենին պէս միաք մը անոնց վրայ պիտի նայէր իբրև մարդկային սիրտի հասկնալիկամէութիւններու վրայ» : (Յիւ. Տեղ. էջ ԺԱ) : Կ'երևի թէ Գրիգոր իր թոյլատու ոգին մասամբ ալ կը պարտէր իր մայր վանքին ու մանաւանդ դաստարարակչին, որովհետև Պաշատուրեան եպիսկ. կը գրէ, «Նարեկայ Ուխտին նկարագրի յատկանշական մէկ գիծն ալ կը թուի եղած ըլլալ այս անկաշկանդ ոգին՝ զոր ներշնչած է ինք Անանիա եւ զոր հաշտ աչքով չէ գիտած ժամանակակից հոգեւորականութեան նախանձարեկ եւ 'խաւարասիրաց փաղանգը'» (Նարեկի Թարգմ. Յառաջաբան էջ ԻԴ) : Նարեկացւոյ դաւանաբանական գիրքի մասին թերեւս ամէնէն զոհացուցիչն է Օրմանեանի տուած բացատրութիւնը. նա մատնանիչ կ'ընէ թէ «այն սրբութեան եւ կարողութեան համբաւը, զոր կը վայելէր Գրիգոր, Նարեկայ վանքին համեստ վանականը», արգէտներուն նախանձը կը գրգռէր, որոնք ուրիշ պատրուակ չգտնելով՝ իր թոյլատու եւ լայնախոհ ընթացքը կը խճճէին. բայց «ճիշդը խօսելով», կ'ըսէ, «բաժանումները վերցնելով եկեղեցիներու միութեան փափաքն եղած է Նարեկացիին բուն զգացումը, որ նոյն ատեններ ուրիշ չատերու ալ փափաքն էր» (Ազգապատմ. էջ 1181) : Պաշատուրեան եպիսկ. Նարեկայ Ուխտին մէջ տիրապետող այս թոյլատու ոգիին ուրիշ մէկ ցայտուն ապացոյցը կը համարի Թոնդրա-

կեցուց աղանդին հանդէպ ալ Անանիա վարդապետի եւ Գրիգորի լայնախոհ կեցուածքը, որ եւ անդի տըւեր է եկեղեցական նոյնիսկ բարձրագոյն իշխանութեան կողմէ ձրի կասկածանքի եւ հաւատաքննական հարցապնդումներու, որոնց սակայն վանահայր եւ սան յարմար պատասխաններ տալով՝ իրենց ուղղափառութիւնն ապացուցած են, միանգամայն առանց շեղելու իրենց աւետարանական թոյլատու եւ լայնախոհ ընթացքէն: (Այս մասին կարգ մը հետաքրքրական աւանդութիւններ ալ կան, զոր կարելի է տեսնել Ազգապատմութեան, էջ 1183, նաեւ Անանիկեան էջ 126—7):

Բ.

Մեզի համար ամէնէն շահեկանն է գիտնալ Աղօթամատենին կամ «Ողբերգութեանց» ծագումը: Բարեբախտաբար այս մասին խորխափելու ստիպուած չենք, քանզի հեղինակն ինքը գրքին վերջը կցած Յիշատակարանովը մեզի կը պատմէ անոր գրութեան առիթը: Գրիգոր իր աղօթագիրքը պատրաստած է իր վանական եղբայրակիցներուն խնդրանքովը. անոր յօրինման մէջ մասամբ զեր ունեցած է իր Յովհաննէս եղբայրն ալ, որ այդ միջոցին արդէն վանահայրն էր Նարեկայ Ուխտին. իսկ գրքին հրատարակութիւնը եղած է հայկական ՆԾԱ թուականին, որ է Յ. Տ. 1002: Թէ գիրքը այս թուականներուն է յօրինուած, ներքին փաստ մըն ալ կայ ասոր՝ որ է՝ Գրիստոսի երկրորդ զալստեան եւ աշխարհի վերահաս վախճանին վրայ հեղինակին գրած մասնաւոր շեշտը իր աղօթքներուն մէջ եւ այլապէս ալ գիտենք որ քրիստոնէական թուականի առաջին հազարամեային լրանալը ընդհանուր յուզում յառաջ բերած էր Հայոց

եւ Արեւելքի ուրիշ քրիստոնեայ ժողովրդոց մէջ, որոնք հաստատապէս կ'ակնկալէին թէ Գրիստոս ընդհուպ պիտի վերադառնար ու աշխարհիս վախճան բերէր վերջին անեղ դատաստանով:

Գիրքը հաւատացեալներուն կողմէն իսկոյն ընդհանուր գործածութեան անցաւ, այդպէս ալ շարունակած է մինչեւ այսօր, եւ ինչպէս Բիւզանդ Քէչնան կը դիտէ, գրեթէ Աբ. Գրքէ աւելի յարգանք եւ ընդունելութիւն վայելած է հայ բարեպաշտ ժողովուրդին կողմէն: Իսկապէս ալ անհամեմատ բարձր է սոյն աղօթագրքին հոգեւոր ներքին արժէքը, որուն կարծես թէ հեղինակն անգամ գիտակից է գրելու ատեն: «Երկրորդ աղօթքին մէջ», կ'ըսէ Անանիկեան, «հեղինակը կը փափաքի որ իր այս ողբերք՝ ամէն դասակարգի, տարիքի, մտքի եւ բնաւորութեան տէր մարդոց աղօթքի լեզուն դառնան: Բայց անոնք պիտի ծառայեն նաեւ իբրեւ խրատ: Անոնք պիտի ունենան զօրութիւն՝ տխրածները վերականգնելու, վստահութեան համբարտակը բարձրացնելու, կտրուած յոյսը նորէն կապելու, մահուան ցաւին մէջ փրկութիւն, տարակոյսի մէջ կեանք, անքաւելի յանցանքներու մէջ՝ ներում բերելու: Մինչեւ անգամ չի մոռնար հին ահռելի թշնամիներէն մին, ջերմը, որուն տանջանքներուն՝ այս աղօթքները զեղ ու դարման պիտի շնորհեն: Հեղինակը կը յուսայ թէ անոնցմէ ծնող բոլոր բարի արդիւնքներուն մէջ ինք ալ արդար բաժին մը պիտի ունենայ»: (Քննական Ուսումնասիրութիւն էջ 127—8): Թորգոմ Արքեպ. ալ կ'ըսէ. «Իր գործերուն մէջ միայն վերջինն է ան, այլ նաեւ գերազանցը, ըլլալով ամէնէն կատարեալ արտայայտութիւնը իր հոգիին: Առանց անոր, այսինքն լոկ միւսներով, իր անունը փայլակի ցոլք մը միայն եղած

պիտի ըլլար մեր գրականութեան հորիզոնին հեռաւոր մէկ կէտին վրայ. ասով դարերուն հետ կ'ապրի ինքը, մեր հաւատքին երկնքին վրայ նշուելով իր հոգիին խորհրդալոյս պայծառութիւնը: Ինքն իսկ կը զգայ ատիկա, երբ մեծ հոգիներուն յատուկ անվերապահ պարզութեամբ կ'ըսէ. «Յայլակայութեամբ բանի այս ստիբերի գրեցայց կենդանի» (ԶԼ Բան): (Յիշ. Տեղ. էջ ԺԶ): Ճան Բըսքինի բացատրութեան համեմատ իսկական Գիբի է Նարեկը, այսինքն մարդկային գրչի անմահ եւ անզուգական արտագրութիւններէն մէկը:

Արդէն Ներսէս Շնորհալուոյ օրով Նարեկէն մի քանի աղօթքներ, յատկապէս պատարագի արարողութեան վերաբերեալ, առնուած էին ժամագրքին մէջ, և Ներսէս Լամբրոնացին անոնց լուծմունքը (մեկնութիւնը) կը գրէ: Հազիւ մի քանի դար անցած՝ ոչ միայն Հայեր, հապա այլազգիներ ալ Նարեկ Աղօթամատեանին հրաշագործ, բժշկարար զօրութեան կը հաւատային, այն աստիճան որ անոր խօսքերը գրել կու տային մագաղաթի կտորներու վրայ եւ իբր հմայեկ (նուսխա) միասին կը տանէին: Այսպէս, 1400 թուականի ատեններն Առաքել Սիւնեցին՝ Նարեկացիին նըւիրած իր մէկ ներբողին մէջ վկայութիւն կուտայ ստողերով.—

«Սուրբ եւ մաքուր բանից փոյին,

«Նռափափագ սիրով եկին.

«Այլասեռից ազգ ցանկային,

«Եւ գծագրեալ առեալ գնացին»:

Իսկ այս ժողովրդականութեան գաղանիքը պէտք է փնտռել նախ եւ առաջ իր բարձր աստիճանէ հոգեւոր արժէքին մէջ: Հոն հեղինակը անձնական փորձառութեամբ անկեղծօրէն կ'արտայայտէ այնպիսի հոգեւոր իղձեր ու կարօտութիւններ, որոնք ընդհանուր

եւ համամարդկային են. հետեւաբար ոեւէ անհատ որ իր անձնական մեղաւոր վիճակին քիչ թէ շատ զիտակից է, կրնայ այդ աղօթքներն իբրեւ իրենը նկատել եւ սրտաբուխ գործածել, ինչպէս կ'ընէ նոյն նըպատակին համար Դաւթի Սաղմոսները: Երկրորդ, հոն կայ ինչ որ արդի դարուս բառով միսթիսիականութիւն (mysticism) կ'անուանուի, այսինքն՝ Աստուծոյ սուրբ և անճառելի ներկայութեան անմիջական զգացումը, միանգամայն յափշտակութիւն (ecstasy), որ է հոգիի վերացում եւ վայելում Աստուծոյ ահաւոր եւ քաղցր հաղորդակցութեան: Արդէն այս աղօթքներէն մէն մին պատշաճօրէն մակագրուած է «Ի Սորոց Արաի Սօսք ընդ Աստուծոյ», քանզի աղօթողը ինքզինք Աստուծոյ հետ դէմ առ դէմ կը զգայ: Երրորդ, պէտք է նկատի առնել նաեւ անոնց մասնաւոր հայեցի դրոշմը. հոն արթուն աղօթարարը հայ շրթունքներով կը խօսի հայ տառապեալ ազգին բարեպաշտ ու աղօթասէր, այլ խռովեալ հոգիին:

Նարեկացւոյ Աղօթամատեանին կրօնական բարձր արժէքին եւ դատած անսահման ընդունելութեան վկայ են անոր խիստ յաճախակի հրատարակութիւններէն զատ, անոր մասին գրուած մեծաքանակ լուծմունքներ եւ կարճ կամ երկայն ուսումնասիրութիւններ, նաեւ գրքին մասնական կամ ամբողջական թարգմանութիւններն աշխարհարարի: Աղօթամատեանն առանձին՝ ԺԷ. դարու վերջերէն սկսեալ 32 կամ 33 անգամ տպագրութեամբ հրատարակուած է այլեւայլ տեղեր եւ զանազան տպարաններէ: Իսկ Վինետիկի Միթիթարեանք 1840ին Ս. Ղազարու տպարանէն ի լոյս ընծայեցին Գրիգոր Նարեկացւոյ բոլոր այն ժամանակ ծանօթ մատենագրութիւնքը: Նարեկի լուծմունքներէն երկու գլխաւորներն են Կ. Պոլսոյ Յակոբոս Նայեան

Պատրիարքին եւ Վենետիկի Մխիթարեաններէն Հ. Գաբրիէլ Աւետիքեանի շարադրածները :

Նարեկի վրայ ուսումնասիրութիւններ երեւցած են ժ.թ. դարու վերջին տասնամեակէն սկսեալ : Հրատարակուածներուն մէջ առաջնութիւնը կը պատկանի, թէ՛ ժամանակով եւ թէ՛ արժէքով, Արչակ Զօպանեանի գրածին, լոյս տեսած Կ. Պոլսոյ Ծաղիկ հանդէսին մէջ (1895ին), որ անմիջապէս մեծ հետաքրքրութիւն արթնցուց Գրիգոր Նարեկացւոյ անձին ու գրականութեան մասին, եւ որ յետոյ (1924 Փարիզ) իր Դեմքեր գործին մէջ առնուած է (էջ 1—28) : Թորգոմ Գուշակեան Պատրիարքի եւ Գարեգին Խաչատուրեանի եպիսկոպոսի Նարեկի աշխարհաբար թարգմանութեանց ընկերացող հմտալից Յառաջաբաններն ալ իրենց ծանօթութիւններով, թանկագին ուսումնասիրութիւններ են : Սակայն լոկ Հայ-Լուսաւորչականներ եւ Հայ-Կաթողիկէներ չեն որ հետաքրքրուած են Նարեկով, հասպա Հայ-Բողոքականներն ալ : Այսպէս, Փրօֆ. Ալեքսան Պէգճեան, Այնթապ Գոլէճի մեր հոյակապ ուսուցիչը բնական գիտութեանց, որ միանգամայն լաւ գրաբարագէտ էր, ունէր զեղեցիկ ուսումնասիրութիւն մը «Նարեկի Աստուածարանութիւնը» նիւթին վրայ, բայց դժբախտաբար կորսուած է : Ուրախ ենք որ ողբացեալ երիտասարդ գիտնական Ռուբէն Բազուպեանի ընդարձակ ուսումնասիրութիւնը, գրական զեղեցիկ ուճով, հրատարակուած կայ 1905 տարւոյ Աւետաբերին մէջ (էջեր 359, 374, 391, 408, 431, 448, 464, 482), հարկաւ ժամանակի գրաքննութեան անխուսափելի յապաւումներովը : Բայց եւ այնպէս կ'արժէ արտատրւել : Իսկ վաղամեռիկ Փրօֆ. Մարտիրոս Յ. Անանիկեանի «Նարեկ եւ Նարեկացին» խորագրեալ զեղեցիկ գրութիւնն ունինք հրատարակուած՝ իր յետ մահու

լոյս տեսնող Քճճական Ուսումնասիրութիւններ (Նիւեորք, 1932) հատորին մէջ, էջ 120—152 : Ստուգիւ, հայ գրականութեան մէջ, Մ. Խորենացիէն եւ անոյ Հայոց Պատմութեանէն ետքը, վրան ամէնէն աւելի գըրւած ու խօսուածն է Գրիգոր Նարեկացին եւ իր Աղօթամատեանը :

Բայց Խորենացւոյ հետ Նարեկացւոյ հանգիստութիւնն այսչափով չի վերջանար, հապա սա եւս յիշատակելի է որ երկուքն ալ աշխարհաբար թարգմանութեանց արժանացեր են : Իսկ այս հանգամանքով՝ Նարեկը գործնականապէս կը գլխի կ'անցնի Խորենացին : Վերջնոյս Հայոց Պատմութեան մէկ աշխարհաբար թարգմանութիւն միայն ծանօթ է ինձի — Խորէն եպիսկ. Ստեփանէի Ռուսահայերէն փոխադրութիւնը, մինչդեռ Նարեկի գոնէ երեք ամբողջական աշխարհաբար թարգմանութիւններ հրատարակուած են — Քասիմի (Միսաք Գօշուհեան) 1902, Թորգոմ Արքեպ. Գուշակեանի ու Գարեգին եպիսկ. Խաչատուրեանի, որոնք միեւնոյն 1926 թուականին լոյս տեսան. առանց յիշելու ուրիշ մասնական թարգմանութիւններ եւ կամ այնպիսիներ որոնք տպագրուած չեն :

Ասի չատ ակնբախ եւ նշանակելի երեւոյթ մըն է, — նիւթապաշտ եւ հակալրօն համարուած սա քրասաներորւ գարունն առաջին քառորդին՝ աղօթագրքի մը այսքան կրկնուած թարգմանութիւններ եւ բոլորն ալ հայ ժողովուրդին կողմէն փափաքով գնուած : Թող չափազանցութիւն չհամարուի այս մեր կարծիքը որ եթէ Նարեկ Աղօթագիրքը եւրոպական մեծ լեզուներէն մէկուն, զորօրինակ՝ Ֆրանսերէնի կամ Անգլիերէնի թարգմանուէր, Արեւմտեան ազգերէն ալ ջերմ ընդունելութիւն պիտի գտնէր՝ թերեւս մինչեւ իսկ Մ. Օգոստինոսի Խոսովանութեանց եւ Թովմայ Գեմբա-

ցւոյ նմանութիւն Յիսուսի գրքերուն հետ մրցորդ ըլլալու աստիճան:

Գ.

Աղօթամատեանին ծագման արտաքին պարագաները տեսանք, բայց ի՞նչ էին ներքին ազդակները, հոգեբանական գործօնները: Արդարեւ ինչպէս Անանիական (Քննական Ուսումնասիրութիւններ, էջ 120) մատնանիշ կ'ընէ, մեր հին պատմիչները քիչ ատաղձ կը մատուցանեն կենսագրական ու հոգեբանական վերլուծումի մը համար: Սակայն հոս ունինք հեղինակ մը, որուն կեանքը թէև արտաքին աչքառու դէպքերէ ու ելեւէջներէ զուրկ, քանի որ ապրած է պարզ եւ լռիկ կեանք մը՝ վանական խաղաղ մթնոլորտի մը մէջ, բայց որ կտակած է մեզի այնպիսի գրական գործեր ուր հեղինակին ներքին խոհերն ու յոյզերը կ'անդրադարձուին, ունինք բաւական նիւթ այդ ներքին կեանքին վրայ գոնէ փոքրիկ վերլուծում մը փորձելու:

Նախ վեր պիտի առնեմ Աղօթամատեանին փոքրկայոյց նկարագիրը: Այս յատկութիւնը՝ ամէն ուսումնասիրողին ուշադրութիւնն անմիջապէս կը դրաւէ. ի՞նչ հոգեխտով ալեկօծութիւններ կան հոն: Ունանք ասիկա անբնական գտած են, եւ հարցուցած՝ միթէ ծեր մը ասանկ կ'ըլլայ: Բայց Գրիգոր իսկապէս ծեօր էր երբ Աղօթամատեանը յօրինեց: Տեսանք թէ գիրքը հրատարակուած է 1002 թուականին. եւ ինքը ծրնած ըլլալով 951ին, ուրեմն հազիւ 51 տարեկան էր այն ատեն. արդ 51 տարեկան մէկը ծեր չի կրնար ըսուիլ. շատերու համար ամէնէն ատոյզ հասակն է ատիկա: Յետոյ, ես չեմ կարծեր որ Աղօթամատեանին ամբողջութիւնը գրուեցաւ հրատարակուած տարին իսկ: Ատիկա երկար ժամանակի գործ է, ամբողջ կեանքի

մը պտուղն է, նաեւ հաւատարիմ հայելին՝ այդ բոլոր նախընթաց կեանքին: Գրիգոր շարունակական աղօթող մըն էր*, եւ ազդու աղօթող մը. իր աղօթքները «ձայն բարբառոյ» չէին, այլ շօշափելի արդիւնք առող կենդանի խնդրուածքներ: Իր ընկերները զիտէին ասիկա, եթէ ոչ իրմէ պիտի չխնդրէին իրենց առօրեայ գործածութեան համար աղօթագիրք մը յօրինել: Անոնք վարպետին դիմեցին, բուն արուեստագետին: Ուղեցին անոր կեանքին փորձառութենէն օգտուիլ: Նարեկացին աղօթքի մարդ էր: Իր աղօթելու սովորութիւնը քաջածանօթ էր ամէնուն:

Կ'երեւի թէ իր խուցին մէջ աղօթելու ատեն ինքզինք կը մոռնար, իր ձայնը կը վերցնէր, բարձրաձայն կ'աղօթէր, նաեւ ծնրադրած՝ երերումներ կ'ուռնենար: Անիկա իր բոլոր հոգիով, բոլոր սրտով, այն՝ նաեւ մարմնով կ'աղօթէր: Կարգ մը քննողներ շատ ուղիղ դատած են թէ Աղօթամատեանին նախագասութեանց կռուքաւոր (rhythmic) կառուցուածքը չինծուբան մը չէ, այլ բնական եւ բնախօսական բան մը, աղօթելու ատեն իր մարմնոյ կանոնաւոր երերումներուն եւ ձայնի ելեւէջներուն համապատասխանող բնական երեւոյթ մը եւ ձեւ մը**:

* Հսկող մակդիրը զոր հեղինակը կ'ընծայէ ինքնիշխան, թեւ կրնայ ակնարկութիւն մ'ըջող իր Գրիգոր անուան, որ արքուն, հսկող կը հշակակե, բայց անշուշտ գործածուած է արսայայտելու իր «գիշերներն արքուն ւրանալով աղօթելու» սովորութիւնը:

** «Այսպէս, գրիլն կարեւոր մեկ մասը, զանազան գրուելու մեջ, թեզաւուած է կշռական չափովը, որ մեր հիւն սաղաջափութեան սկզբունքն ունի, եւ զոր մերթ ընդ մերթ աւելի կ'ոգեւորեն սառակրկնութեան սիրուն գիտեր: Ու աւ»

ները կամ գոնէ զանոնք կազմող մասերը, գրի առնուելէն առաջ, շատ առաջ, երկար առնելու շարունակ կենդանի ձայնով յեղյեղուած էին Գրիգորի անձնական ազօթքի պահերուն մէջ: Անոնք իր սովորական ազօթքներուն հաւատարիմ արձագանգն են, բիւրեղացած դրաւոր մարմնացումն իր երկար տարիներու բարեպաշտութեան մարզանքին:

Երկրորդ աեղը վեր առնել կ'ուզեմ Աղօթամատեանի եւ իր «Երգ Երգոց»ի մեկնութեան սիջեւ երեւցող մթնոլորտի տարբերութիւնը: Ասոր արդէն ուշագրութիւն գրուած է Անանիկեան: Նա Երգ Երգոցի մեկնութեան մասին խօսելով կը մատնանշէ թէ Նարեկացիին գրական գործունէութեան իբրեւ երախայրիքը ձանձցուած այս գործը մեզի համար թէ՛ մատենագրական եւ թէ՛ կենսագրական մեծ արժէք ունի, որովհետեւ կը մատնէ ոչ միայն իր աստուածաբանական խորունկ կրթութիւնը, այլ նաեւ իր հոգևոյն մաքրափայլ պարկեշտութիւնը, որով ամէն վայրկեան ան կը մաքրոի գգայասիրական ըմբռումներու դէմ:» (Բընական Ուսումնասիրութիւններ, էջ 124): Ապա հետեւեալը կը յարէ քիչ մը անդին. «Երգ Երգոցի մեկնութիւնը ունի նաեւ ուրիշ մէկ արժանիք: Անիկա Նարեկացիին մեզի կը ներկայացնէ բաւական տարբեր լոյսի մը մէջ: Նարեկէն եւ սաղերէն դասելով՝ կ'երեւ-

սիկա տեղի կ'ունենայ այնքան բնական եւ անբռնազրօք բերումով մը, որ չես զգար նոյնիսկ արձակէն չափաւի անցքը, եւ փոխադարձաբար: Այնպէս որ դժուար կ'ըզայ ընթրուել, որոշ ճիգի մը, քե ներքին յոյզերու եւ արտաքին շարժումներու շարունակներով հաւանկշռուած հոգեկանային մը արդիւնքն է այն:» (Գուշակեան, յիշեալ տեղ. ԿՅԺԱ):

ւակայինք զինքը իբրեւ փոթորկակոծ հոգի մը՝ որ համակ կ'իրքը, յուզում եւ անուրջ է եւ որ իր ներշնչութեանց անձնատուր՝ չի գիտեր ո՛ւր կը սկսի եւ ո՛ւր կը յանգի...: Բայց հոս՝ Երգ Երգոցի մեկնութեան մէջ՝ յուզումի տարրը բնաւ աչքի չի դարձեր:» (Անդ էջ 125): Ապա կը հարցնէ թէ ինչո՞ւ այս ուշագրաւ տարբերութիւնը Ողբերգութեանց (այսինքն Աղօթամատեանի) եւ Երգ Երգոցի մեկնութեան սիջեւ: (Անդ, էջ 126): Դարձեալ, «Բայց ի՞նչպէս կարելի է որ իրեն պէս ողջամիտ եւ բնականոն ժարգ մը՝ չափահասի մը անդորրութիւնով մանէ գրական ասպարէզը եւ աւելնոտ պատանիի մը խռովայոյզ սրտով դուրս գայ անկէ:» (Անդ էջ 126):

Հեղինակս ինքը մասամբ այս առեղծուածին լուծումը կուտայ արդէն՝ նախ բացատրելով մեզի թէ Նարեկացիին ինչ մեթոտով պատրաստեց Երգ Երգոցի մեկնութիւնը: Մատնանիշ ընելէ յետոյ թէ Նարեկացիի այս մեկնութիւնը Գրիգոր Նիւսացիի հետեւողութիւն մըն է (Անդ, էջ 124), կ'ըսէ. «Առջեւնիս ունինք արագ գրող՝ բայց հանդարտ ու համբերող գիտնական մը, որ իր ուսումնասիրած գործը՝ շերտ շերտ՝ կը դիտէ, հակիրճ կերպով կը լուսաբանէ, իր վարպետին տեսութիւնները քննադատօրէն կ'ընդունի կամ կը մերժէ, մինչ իր ականակիտ, անպաճօյճ լեզուն՝ արտերուն մէջէն սողոսկող վտակի մը պէս՝ կ'ընթանայ հեզասահ բայց ոչ յապաղկոտ ընթացքով մը»: (Անդ, էջ 125): Պարզ խօսքով, երբ երիտասարդ Գրիգոր Նարեկացիին կը շարադրէ Երգ Երգոցի մեկնութիւնը, լոկ իր միաքն ու դատողութիւնը կը գործածէ, ուստի կրնայ զուսպ գրիչ մը բանեցնել: Իր ներքին յուզմունքն ու կիրքերն իր կամքին զսպումին տակ են, արգիլուած (inhibited) վիճակի մէջ են. անոնց արտայայտութեան կա-

ըիք ու տեղի չկայ: Բայց այս կը նշանակէ թէ իբր ենթագիտակցական եսին հաւատարիմ արտացոլումն ուրիշ տեղ պէտք է փնտռել:

Եւ Անանիկեան ճիշդ ասոր վրայ ալ գրած է իբր մատը, բայց չուտ կտ քաշած: Կը գրէ. «Թէ արդեօք ինչ որ աւելի հասանական կը թուի — այս երկունիւթերը իր խառնուածքին երկու կողմերը կ'արտաբերեն: Եւ արդարեւ իրեն պէս ջերմեանդ հողոյ մը համար կատարելապէս կարելի է մարդոց առջև մընալ ինքնամփոփ եւ հանգարտ, իսկ առանձնութեան մէջ՝ մանաւանդ Աստուծոյ առջև՝ հրաբուխի պէս դուրս թափել սրտին ամբողջ հրաշէկ, մխացող պարունակութիւնը»: (Անդ, էջ 126):

Բայց դեռ ուրիշ հարցում մը, զոր Անանիկեան կ'ընէ, կուտայ մեղի Արիսդնեան այն թէլը որ լաբիւրիթոսէն դուրս պիտի հանէր. «Արդեօք վերջինը (ըսել կ'ուզէ՝ Երգ Երգոցի մեկնութիւնը) չուկէ՞տն է որմէ նարեկացին մեկնելով՝ հասաւ նարեկազրքին եռուզեռ խորհրակերպին:» (Անդ, էջ 126): Այո, չուկե՞ս է...: Մե՞ղք որ ինք չէ հետապնդած այս հարցման մատնանշած ուղեգիծը: Եթէ լաւ խորհինք, կըրնանք դիւրաւ համոզուիլ թէ Գրիգոր նարեկացոյ կեանքին մէջ ներքին հրդեհը բռնկցնելու մասին մեծ գեր ունեցած է այդ մեկնութեան գրութեամբ ըզրադիրը: Ինչպէս բանասիրութեան քաջ ծանօթ է, Գրիգոր առջի բերան բոլորովին մերժեց այդ մեկնաբանութեան ձեռնարկելը, առարկելով թէ ինք չափազանց երիտասարդ է այդպիսի փափուկ գործ մը ըստանձնելու. եւ հաս կատարելապէս իրաւունք ունէր: Մէկ տարիի չափ ալ յամառեցաւ ու պնդեց: Բայց Անձեւացեաց Գուրգէն թագաւորը խօսք հասկնալ չուզեց, եւ վերջապէս իր գերիշխանին բռնադատու-

թեան տեղի տալով էր որ Գրիգոր ակամայ ձեռնարկեց այս գործին, զոր ի գլուխ հանեց ալ պահանջողներուն կատարեալ գոհացում տուող յաջողութեամբ մը: Բայց ինք ներքնապէս տուժեց...:

Տարակոյս կա՞յ թէ կրակով խաղալու այդ գործը սուր ճգնաժամ մը արթնցուց իր կեանքին մէջ: Անանիկեան շիտակ կ'ըսէ թէ Գրիգոր այդ մեկնութիւնը գրելու ատեն «ամէն վայրկեան կը մախառի զգայասիրական ըմբռնումներուն դէմ»: Բայց արդեօք միմիայն զգայասիրական ըմբռնումներուն դէմ մաքառիլ ստիպուած էր ամէն վայրկեան՝ թէ իր մէջ արթնցող զգայութիւններուն դէմալ. եւ արդեօք այս վերջին պայքարը լմնցա՞ւ երբ մեկնութեան շարագրուիլն ի կատար հասաւ: Անանիկեան կ'ըսէ թէ Գրիգոր բնակաւնոն մարդ էր. ճիշդ է, եւ բուն հոս է խնդիրը: Գրիգոր բնականոն երիտասարդ մըն էր. չմոռնանք զայս. ինք այս միջոցին դեռ 25 կամ 26 տարեկան էր: Գրիգոր հնաշանդեցաւ իրեն պարտադրուած ապսպրանքը կատարելու՝ անձնական ամենամեծ գոհողութիւնով եւ ինքզինք վտանգաւոր արկածախնդրութեան մը մէջ նետելով: Մենք հիմա պաղարիւն կերպով կրնանք կարդալ ու վայելել այդ մեկնութիւնը, առանց խորհելու թէ որչափ սրտի արիւն արժեց զայն շարագրող տաքարիւն, ազնուական, գեղապաշտ երիտասարդին: «Ուտողը չիյտէ, բրդողը գիտէ» կ'ըսեն: Մաքրախոհ երիտասարդը արդարեւ իր սրբասէր կամքին հօր ասնձովը զսպեց ներսէն գլուխ ցցող ամէն կիրք եւ յոյզ: Սակայն նորագոյն հոգեբանութեան ամէնէն աւելի չեչտած մէկ սկզբունքը սա է որ ասանկ ներգնապէս արգիլեալ (inhibited) կիրքերն ու յոյզերն անխուսափելի ստիպալի հակահարուած յառաջ կը բերեն: Տարակոյս չունինք որ այդ ժամանակ իր մէջ սկսող

ներքին ալեկոծութիւնը շարունակեց առանց պակսելու մինչեւ իր երկրաւոր կեանքին վախճանը: Այսպէս, կրնանք ըսել թէ Ողբերգութիւնը (tragedy) սկսուել եւ թէ վերջապէս այդ ողբերգութիւնը գիւցադներգութեան փոխուեցաւ, այդ միմիայն Աստուծոյ շնորհքին գործն էր:

Ներքին պայքար — անդադրում եւ մշտատեւ: Գրիգորի առջեւ կար երկընտրանք մը, — այս պայքարը վերջացնել կամ շարունակել: Բայց ի՞նչ կերպով կարելի էր պայքարը դադրեցնել. — կամ իր ցանկութեանց տեղի տալով եւ գաղտնի մեղքի մէջ ապրելով ինչպէս շատ մը ամուրի եկեղեցականներ փորձելած են ընելու, եւ կամ սքեմը ձգելով եւ ամուսնացած ու աշխարհական կեանքի վերադառնալով: Բայց Գրիգոր մերժեց ասոնց երկուքն ալ, որովհետեւ իր խղճին դէմ էին. ան չուզեց գաղտնի մեղքի ծառայելով կեղծաւոր ըլլալ եւ ոչ ալ իր կուսակրօնութեան ուխտին դրժել: Որոշեց շարունակել պայքարը՝ որչափ որ իրեն սուղի նստէր: Գրիգոր ցմահ անկեղծօրէն հաւատարիմ մնացած է իր կուսութեան ուխտին, եւ միշտ յողթական հանգիստացած՝ մարմնոյ ցանկութեանց վրայ: Սակայն ի՞նչ գնով...: Այդ էր շարունակաբար ձենձերիլ մեղմ կրակի վրայ, մխալ. բայց ոչ թէ աղջկան կամ կնկան մը սիրոյն համար, այլ Յիսուսի սիրովը: Իր կեանքն էր մարմինի խաչումը տեւականապէս: Հետեւաբար պիտի համարձակիմ ըսել թէ առիւծներու բերանը ձգուող մարտիրոսէ մը աւելի արժէք ունի իր այդ «կենդանի, բանաւոր պատարագը»: Ուղիղ բնազդով է որ Գրիգոր Նարեկացին սուրբ անուանած են. նաներքնապէս կը կրէ այդ ախարհը:

Գրիգոր Նարեկացւոյ այդ ներքին հոգեբանական վիճակը կ'ուզեմ լուսաբանել՝ բաղդաստութիւն մ'ընելով

Պրնեանի «Ճամբորդութիւն» գրքին մէջ նկարագրուած Հաւատարիմին հետ: Վերջինս իր անցեալ փորձառութիւնն իր նորասաց Գրիստիանոս բարեկամին պատմելու ատեն՝ ընդ այլս կը յիշէ թէ երբ հասաւ Գժուարութիւն կոչուած լեռան ստորոտը, իրեն ծեր մը հանգիպեցաւ, որուն անունն էր Հին Աղամ, եւ որ Հաւատարիմին ատջարկեց ձգել այդ անկարելի եւ ապարդիւն ճամբորդութիւնը, իրեն հետ գալ իր տունը, ուր ինք երեք գեղեցիկ աղջիկ ունէր կարգուելիք, Մարմնի Յանկութիւն, Աչքերու Յանկութիւն եւ կեանքի Ամբարտաւանութիւն անուններով, ամուսնանալ անոնց հետ եւ հանգիստ ու երջանիկ ապրիլ: Հաւատարիմ առջի բերան քիչ մնաց որ համոզուէր եւ ճամբէն չեղէր. բայց յետոյ մարդուն ձակաին վրայ յի մէկ նշանէն՝ հասկցաւ անոր ո՛վ ըլլալը, պրծաւ անոր ձեռքէն ու ճամբան շարունակեց: Սակայն զառիվերը ելլել չաւարտած՝ իրեն հանգիպեցաւ ուրիշ մարդ մը՝ խտապէմ, որ անոր կուրծքին բուռնցք մը իջեցնելով զինք գետին տապալեց, եւ երբ խեղճը կը հարցնէր թէ ինչո՞ւ այդպէս ըրաւ, մարդը, որ Մովսէսն էր (այսինքն Օրէնքը կամ Խղճմտանքը), պատասխանեց. «Ծածկաբար Հին Աղամին հակամիտելուց համար»: Բարեբախտաբար Գթած ոմն հասաւ Հաւատարիմին օգնութեան եւ զանի ազատեց անողոք գատապարտիչէն որ քիչ մընաց զինք պիտի մեռցնէր:

«Դուն ներքին սրախդ մէջ միտում ունեցար դէպի Հին Աղամը»: Ո՞ր Հաւատարիմը չէ զգացած Մովսէսի (Խղճմտանք) այս տապալող հարուածը: «Նարեկացիին մէջ կ'ապրէր աստուածավախ հողի մը, որուն համար մեղքը աշխարհիս ամէնէն անոնի զըժբախտութիւնն էր եւ Վերջին Դատաստանի հաչուեալութիւնը՝ ամէնէն իրական եւ անխուսափելի ճաշ

կատագիրը» : (Անանիկեան, էջ 127) : Գրիգոր կ'երեւի թէ փորձուիլն անգամ մեղք կը սեպէր եւ կ'ամչնար ինքիւրմէն, թէպէտեւ փորձութենէն չէր յաղթուած : Ուստի ողբերգութիւն էր իր կեանքը : Փորձութիւնն ներ, հակում դէպի մարմինը, մեղքի խոր գիտակցութիւն, իրական կամ երեւակայեալ մեղքերու զգացումով տուայտիլ, ամօթ զգալ. սակայն հաւատքի, միանգամայն եւ Քրիստոսի սիրոյն գիտակցութիւնը՝ որ մարդը «յաղթականէ աւելի» կ'ընէ : Ահա Գրիգոր Նաբեկացիին պայքարի կեանքը շարունակաբար :

Եւ իր աղօթքները մարտնչումի այս կեանքին էական մասերն են : Ամէն օր ներքին ստիպում կը զգար ի նորոյ ապաշխարելու, աւելի աղօթելու, խոնարհելու, Աստուծոյ առջեւ թափելու իր խոստովանութիւնները : Այսպէս, ինչպէս Անանիկեան լաւ կը գիտէ, «Նարեկացին օրէ օր իր շարադրած այս մաղթանքներուն վրայ հատ մըն ալ կ'աւելցնէ, նախորդ օրուան թախանձագին արտասուածութիւնը կը կրկնէ, եւ Աստուծոյ դուռը ափ կ'առնէ՝ Անոր հետ սիրտ սրտի խօսելու համար» : (Յիւ. Տեղ. էջ 130) : Այսպէս Աղօթամատեանին մէջ գլուխներ իրարու ետեւէ կը շարուին միշտ միեւնոյն հանդիսաւոր վերտառութեամբ. «Վերստին յաւելուած, չրկին հեծութիւն, նորին Հսկողի առ Նոյն՝ աղերս մաղթանաց բանի : Ի խորոց սրտի խօսք ընդ Աստուծոյ» : Այսպէս յաջորդաբար կը սողուին «յանցապարտ ամօթահարի մը հոգեբանական մանկունակ շարժուածեւրու այնքան բնական նկարագրութիւնները» : (Սաչատուրեան, էջ 110) :

Կը կրկնենք թէ Աստուծոյ շնորհքն էր միայն որ ողբերգութիւնը զիւցազնեղութեան փոխեց : Աղօթամատեանը Նարեկացւոյն ինքնակենսագրութիւնն է,

ներքին կեանքին պատկերը : Բայց ոչ թէ «հիւանդոտ», ինչպէս շատեր կը կարծեն, այլ զիւցազնական մարտնչումի պատկեր մը, յաղթերգութիւն մը իր պայծառ ոգիով, իր վսեմ թռիչքով եւ իր հոյակապ կառուցուածքով» : (Սաչատուրեան, էջ 115) : Հոս պատկերացուածը յաղթող կեանք մըն է, անբասիր կենցաղը մէկուն՝ որ Աստուծոյ վախովը զինուած, կրնայ զսպել իր կիրքերն ու ցանկութիւնները, իր անձը մաքուր կը պահէ աշխարհէ, միանգամայն մնալով միշտ խոնարհ, միշտ բարի, միշտ պատրաստ օգնելու եւ ծառայելու, անձին դէմ անողոք, բայց ուրիշներուն հանդէպ լայնասիրտ եւ թոյլատու : «Նարեկացիին մեծագոյն արժէքը ո՛չ իր գիտութեան եւ ոչ ալ իր զբրական ճիրքերուն մէջ կը կայանայ, այլ իր անստղիւտ նկարագրին մէջ» : (Անանիկեան, էջ 127) :

Եւ Աղօթամատեանն իր հոգեւոր ազդեցիկ ոյժը կը ստանայ հեղինակին անձնաւորութենէն. անիկա անկեղծ արտայայտութիւնն է մեղքէ զզուող մաքրասէր հոգիի մը ներքին իրական մարտնչումներուն : Գրիգոր Նարեկացին ամէն օր իր անձը խաչելով եւ մեղքի ստուերէն իսկ խորչելով, «իւրական կամ երեւակայեալ մեղքերու զգացումովը տուայտելով» իրաւունք կը չահէր նաեւ «իւր աղօթքներուն մէջ՝ մեղաւոր մարդկութեան անունով քահաճայաբար խօսելու» :

Իր վճարած զինն ալ տեսնենք : Ընդհանրապէս կը կարծուի թէ Նարեկացին վախճանեցաւ 60 տարեկան հասակին մէջ : Սխալ է : Ոմանք կը խորհին թէ 65, իսկ ուրիշներ՝ թէ 55 տարեկանին մեռաւ : Աստեք ալ սխալ են : Ժամանակագրական հաշիւներու մէջ սովորաբար Օրմանեան շատ վստահելի առաջնորդ մըն է, եւ ըստ իւրեան՝ «Աղօթամատոյց գրքին վերջանալէն միայն տարի մը ետքը եղած է Գրիգորի մահը» :

(Ազգապատում, էջ 1183) : Նա իր հաշիւին մէջ կը հիմնուի Յայսմաուրքի տուրքին վրայ ուր Նարեկացիին մահը կը գրուի հայկական ՆԾԲ թուականի Մեհեկի 21ին . ինք կ'ըսէ թէ ասիկա շարժական տոմարով կը համապատասխանէ 1003 Հոկտեմբեր 7ին , իսկ հաստատուն տոմարով՝ Փետրուար 27ին : (Աճղ, էջ 1181) : Շատ տարբերութիւն չ'ըներ : Գրիգոր Նարեկացին , համեմատաբար խօսելով կանուխ մեռած է , հազիւ 51 կամ 52 տարեկան : Արդեօք այդ ներքին հոգեկան պայքարը դեր չունեցա՞ւ իր կեանքը կարճեցնելու : Բայց եւ այնպէս կարճ ալ ըլլայ , յաղրական կեանք մը ապրեցաւ , եւ կենաց պսակն ընդունած է Փրկչին ձեռքէն : «Եւ մեռած ըլլալով տակաւին կը խօսի» : Մարմինը թաղուեցաւ նոյնիսկ Նարեկայ վանքին մէջ , որուն բուն անունը՝ ինչպէս ըսինք՝ Ս . Սանդուխտ էր , բայց անկէ ետքը Ս . Գրիգոր ալ սկսաւ կոչուիլ :

Դ.

Ոմանք դուցէ պիտի առարկեն թէ կ'արժէ՞ր հին դարերու մարդու մը վրայ , այն ալ վանականի մը վրայ , այնչափ խօսք երկարել : Բայց Նարեկացին իր դարուն հոգեւոր կեանքին ամէնէն ցայտուն ներկայացուցիչն ըլլալէ զատ , ինչպէս Անանիկեան ուղիղ կերպով կը գիտէ , «անցեալին չի պատկանիր , որովհետեւ կրօնքը դեռ չէ մեռած Հայութեան հոգեւոյն մէջ» : (էջ 152) : Իսկ ես պիտի ըսեմ թէ իր կեանքը թանկագին պատգամ մը ունի այսօր մեր դարու երիտասարդներուն : Ի՞նչ է այդ պատգամը որ կուգայ ձեզի իր Փրկչին հաւատարիմ հետեւող այդ մարդուն կեանքէն : Սա է . «Բաջ եղէք , ես աշխարհի յաղթեցի , իմ ջըրջանակիս մէջ , իմ դարուս միջավայրին համեմատ : Ինծի հետեւող եղէք դուք ալ ձեր միջավայրին մէջ ,


ձեր տարիքին ու պարագաներուն համեմատ» : Սիրելի երիտասարդներ , կարգացէք Նարեկը , գոնէ աշխարհաբար Նարեկը , որ մեզի կը մատուցուի այնչափ գեղեցիկ դոյզ թարգմանութիւններով : Ներշնչու՛մ ստանանք անկէ ներքին պայքարին մէջ յաղթելու համար , առնենք թէ՛ զրական վայելում եւ թէ՛ հոգեւոր սնունդ . եւ ինչն է , ստանանք բժշկութիւն ալ հոգեւոյ եւ մարմնոյ : Կարգանք նաեւ Աստուածաշունչը , որ Նարեկացիին մշտական ներշնչումին աղբիւրն էր :

ԱՂՍԹՔ ԱՌ ՍՈՒՐԲ ՀՈԳԻՆ

ՆԱՐԵԿ ԲԱՆ ԼՊ . Բ

Ա.Ղ.Ս.ՁԵՄ ԶԱՆՓՈՓՈՒՆԵԼԻ .

Ո՛վ ամենակարող , հզօր Հոգի , կ'աղաչեմ Բու անկողիոխելի Տէրութեանդ . զրկէ՛ Բու քաղցր ցօղը , ու բազմապարգեւ ողորմութեանդ զամէնքը հոխացնող շնորհքներն առատածեռնէ՛ թէ՛ անծիս եւ թէ՛ մտքիս որ կ'իշխէ զգացումներուս ազդումին վրայ : Եւ հերկէ բանական արտը մարմնեղէն կարծրացած սրտիս որ ընդունակ ըլլայ հոգեւոր սերմդ արգասաւորելու : Մեր մէջ ծաղկած ու անած պարգեւներուն ամէնքն ալ կը պարտինք Բեզի , որ ամենիմաստ էութիւնն ես եւ առաքեալներ կը ձեռնադրես , մարգարէներ կը ներշնչես , վարդապետներու կը սորվեցնես , համբեր կը խօսեցնես եւ խուլերու ականջը կը բանաս , ինչպէս որ Բու ազգակիցդ՝ Հօր Էակիցը՝ Անդրանիկ Որդին ասոնց ամէնքը Բու գործակցութեամբդ իրազործելով , Բեզ Հօր իսկութեան հաւասարակից Աստուած քարոզեց : Ինծի մեղաւորիս ալ շնորհ ըրէ՛ որ համարձակութեամբ խօսիմ աւետիս տուող Աւետարանիդ կենդանութիւն




տուող խորհուրդներուն վրայ. Բու շունչովդ գրուած կտակարաններուն անհուն ասպարէզին հետեւի՛մ մտքի արագաթռիչ ընթացքով:

Եւ երբ Գիրքը մեկնելու համար բեմին մօտե- նամ, Բու գթութիւնդ կանուխէն թող հասնի, նոյն պահերուն ինծի ներշնչելով արժանաւորը, պիտանի եղածները ու քեզի հանելի եղածները, Բու Աստուա- ծութեանդ փառքին ու գովեստին եւ Ընդհանուր Եկե- դեցւոյ կատարեալ շինութեան պահպանումին համար: Եւ ամէնուն մօտ եղող աջդ իմ վրաս կարկառէ՛ ու զօրացո՛ւր զիս Բու գթութեանդ շնորհովը: Փարատէ՛ մթութեան ու մոռացկոտութեան մշուշը միտքէս, անոր հետ մեղքի խաւարն ալ անհետացնելով, որ- պէսզի այս երկրաւոր կեանքէն դէպի բարձրերը վե- րանամ մտքիս իմացականութիւնովը: Բու Աստուա- ծային գիտութեանդ պայծառ հրաշքներուն լոյսը կըր- կին ծագեցո՛ւր իմ մէջս, ո՛վ Հգօր, որպէսզի արժա- նի ըլլամ կատարելու եւ այնպէս սորվեցնելու, եւ բարի օրինակ դառնամ աստուածասէր լսողներուն: — Ամենակալ Հօր, եւ Անոր Միածին ու բարերար Որդ- ւոյն հետ, ամէն բանի մէջ ամէն տեսակ փառք մա- տուցուի Բեզի, հիմա եւ մինչեւ անվերջ յաւիտենա- կանութիւն: Ամէն:

[Անեկն փարոզից շաւ կ'ընե երբ իր փարոզը սերսե- յու աշեկ եւ ղեւ եղեկե տասց այս աղօթքը մատարեալք եւ նոխրեան հոգիով կարդայ կաւ արտասանե:]





ՀԱՅԱՍՏԱՆԻ ԱԳՁԱՅԻՆ ԳՐԱԴԱՐԱՆ

Հայաստանի Ազգային գրադարան



NL0429003

2 m.

16859